



10744

半山藏稿卷之十六

永嘉王叔果育德著

墓誌銘

明故豐城侯緝菴李公墓誌銘

李公墓誌銘

李公諱熙字仲光號緝菴其先鳳陽府定遠人也祖彬翊

高皇帝啓運累功爲都督僉事永樂中以征討功進榮祿大夫柱國豐城侯食祿一千石賜鐵券世襲暨錄平安南功加祿五百石遂家于京

半山藏稿卷十六

乙

師彬生賢賢生勇勇生壘壘無子庶兄旻襲祖爵旻無子而遂及于公公則旻之姪也嘉靖甲

午奉 命統耀武營操練官軍隨以廷臣會推

掌中軍都督府及提督神機營壬寅 欽命充

總兵官掛平蠻將軍印鎮守湖廣乙巳楚世子

弑逆株連數百人公惻然慮其冤諮于直指伊

公相與平反釋其無辜幾二百人沅州麻陽洞

苗作亂遠邇繹騷公調兵征勦歷三載底寧諸

凡經絡出自己裁不少假麾下而悉中機宜敵

愾奏功勳庸顯於遐服公處之則以謙焉庚戌
奉 召命回京掌前軍都督府事公廉府中宿
弊嚴爲禁革人不敢干以私辛亥奉 勅提督
京城九門官軍壬子總督京營戎政時軍伍疲
耗往者率因循行事公壹以精明振刷而綱紀
之諸材官咸凜凜奉法大司馬良鄉趙公永豐
聶公並嘉其賢以爲勲臣可倚重者而公忽以
疾告終乃嘉靖癸丑二月二十七日也距生弘
治甲子十一月一日得年五十計聞

半山藏稿

卷十六

二

上憫悼遣官諭葬凡七壇仍命有司備材營葬
配戚畹王氏封夫人嗣子儒以倫次襲前爵卜
是年四月二十六日奉窆公于 欽賜蘆溝橋

西祖塋之側儒謁銘于予予未及識公頃在職
方討故牒因知公歷官中外勲績而讀公家狀
則又知其博涉經史善詩文蓋不徒將略之嫻
而又飾之以儒術者宜乎中外歸重以功名終
焉是可銘也銘曰 桓桓李侯奮起賢支有碩
其才有偉其儀緯文經武廷論咸推受 帝簡

命仗鉞南陲鯨鯢旣翦江漢平夷乃膺 內召
職任保釐橐兜戟纛以統六師倚毗方殷天不
憇遺 皇心孔悼恤典弘施鬱鬱佳城峩峩豐
碑論世考烈鑒我銘辭

故上海訓導海壇王公墓誌銘

余與海壇王公夙同志以文行相勵比余官司
馬郎公上貢來京師旦夕燕敘及予予告歸而
公方宅憂又時相過從余蓋兄事公也無何公
卒卜葬有期其子夢齡謁余志其墓余戚然思

半山藏稿

卷十六

三

曰知公莫如余遂不辭而志曰公諱應辰字拱
甫別號海壇世家郡城五馬坊徙居城南之蟾
湖則自公始曾祖漢彬以尚義輸粟授七品散
官祖輔宛平丞父翰鴻臚寺紀事序班母鍾氏
以弘治乙丑六月二十九日生公于京邸聰敏
絕倫髫年能對客賦詩衆目爲奇童未冠補郡
庠生每試高等列廩籍潛心懋學竟日下帷不
問家人生業淹貫經史嫻習古文詞而尤工於
詩通議張公寰叅政黃公卿皆海內名流引爲

忘年交先後督學監司守郡諸公鑒識之咸屬厚望屢試顧不舉嘉靖辛酉乃應貢上春官廷試擢上第受知大學士袁公煒諸薦紳聞其名爭從欵識及注選袁公欲處以京秩公辭曰母老願得近地便就養乃授上海縣儒學訓導命甫下而母安人訃至遂奔歸杜門讀禮壹意玄脩間同余纂輯邑志屏跡山居卽之氣息深深而歸于恬寂嘗以末疾若有拂鬱者蓋爲貧故就祿仕而非其志也服闋將北上條中風疾

半山藏稿

卷十六

四

奄逝時嘉靖丙寅春二月二十五日得壽六十
二公孝友天至性度冲夷而持以廉介志行純恪而澤以謙和與人交一于誠雖燕居無疾言厲色其充養淵邃有不可以澄撓者蓋自蚤歲肆力辭章晚乃遜志聖學雖不以理學自命而於白沙陽明二先生之學大端歸指日究而心賞焉因更號體齋子所著語錄有省言詩文有正情集簡淡集旨若齋詩話尚論者謂公文宗秦漢詩則唐其學靡所不闖心潛理窟旁通內

典可謂知言矣配金氏生子一卽夢齡娶都指
揮張公浩女女一適庠生朱錫延孫男二懋儒
懋侃葬以是歲十二月祔于郭溪祖隴予悉公
生平謹述懿雅表于墓而系之銘曰 鄉稱鄒
魯猗歟昔賢維公蹕起嗣燬比肩躬秉明德悟
超上玄才不究用功垂立言我銘論世是爲有
道之阡

故處士一鶴林翁配朱安人合葬墓誌銘

子外父林翁暨外母朱安人先後考終葬且數

半山藏稿

卷十六

五

載矣其嗣君珂瑾語果曰先人墓有宿草而銘
碣尚虛惟吾子圖之果曰是誠在我翁易簣時
以後事見屬且致厚期雖不及銘墓事予固心
領之且翁與安人予悉其賢懿蓋無待於狀者
謹考世系而志之翁諱濛字彥灼嘗畜一鶴自
隨因號一鶴主人先世有元一公者宋末徙居
郡城之江北羅浮里其後族支蕃衍以貲雄一
鄉爲邑著姓翁藉父祖業操持勤志振起有加
而務以仁厚濟之忠信孝友遇族屬雍雍不少

失和氣卽有虧損及乘侮之者直受弗與較性
樂施所見人窘急輒煦煦憐卹倒囊指廩無靳
意閑家以嚴而性任夷坦不煩拘檢陶情花鳥
寄興林泉悠然殊自得也晚年益務韜晦累歲
不涉城府於所居之後園構小樓宴憩其中每
客至輒欣然款迎引杯酒敘慇懃勤無貴賤盡歡
醺卽就寢日以爲常其於毀譽榮辱順逆得喪
一切世故置之若罔聞知蓋寤寐醉鄉欲託而
逃焉者也配安人朱氏世家郡城鴈池婉嫵性
成事舅姑孝敬遇妯娌雍睦無間言翁性嚴急
安人佐以寬和而多所庇護視庶孽若已出其
愛鞠而成全之者曲至焉燕居侍翁如賓言笑
容止一不妄外莊肅而內惠慈有以空乏告者
隨所有應之卽身服用美好之物弗吝也翁祖
諱振堡父諱紱母季氏安人祖諱瑚父諱愉母
李氏翁卒於嘉靖乙巳十一月五日距生成化
丙申三月十八日得壽七十安人卒於嘉靖辛
亥七月八日距生成化戊戌正月二十四日得

壽七十四其葬皆以卒之次年合窆於華嚴山
祖隴男子二長珂次瑾女二長適陳賀次適叔
果以果官兵部郎中封宜人皆安人出庶子二
珅珅孫男八宗英宗宗藏宗宏宗騫宗春宗
賽孫女五翁兄弟八人俱鮮壽而翁安人偕老
媿德論世考祥是所宜銘也銘曰 全生樛散
混跡希夷醉鄉是託一鶴自隨古稱天隱公其
庶幾作配士女家室攸宜女中長者維其令儀
鹿門冀野比德無虧羅陽華嶠卜吉同歸沒世

半山藏稿

卷十六

七

考德徵此銘辭

故徵仕郎泰州倅鳳南金公墓誌銘

鳳南金公致泰州仕歸老以令德考終卜葬有
日其子太僕君邵等奉博士三溪林先生所爲
狀請誌其墓予稔金公賢且介在姻婭誼其敢
辭按狀公諱誥字榮卿別號鳳南世爲瑞安永
豐里人其先世有諱璩者仕元爲教授贅李提
刑女五傳而生某某生孝嘗輸粟賑饑例授冠
服不受孝生殷字天倫公父也儒雅好脩郡侯

徐公廉其賢壽禮爲鄉飲賓配蔡氏副室李氏以弘治十三年戊午三月二十四日生公公穎異懋學弱冠試于督學五清劉公爲邑諸生有聲尋以例貢入太學適吾邑張文忠公秉國鈞遇公爲優公恂恂引避及文忠沒乃與其從孫評事公締姻焉嘉靖庚戌授直隸泰州判官泰民困於馬役往多逃徙公察其偏累白於上而調停之著朋畜之令減歲輸之直而民困稍稍以蘇諸所委屬如督漕儲戢盜猾理鹺課及清

遂圖堂構而率弟姪共成之初初祖祠于豐湖
尋亦燬捐貲載建諸爲先後計墓有廬家有塾
奉祀贍儒訓蒙各有田凡所誠約皆公手書也
公性行淳篤遇交游姻舊恩禮周洽平生不干
鄉曲譽亦未嘗迂於人望而卽之者知其爲長
厚予欽公行誼比詢其起居如少壯以爲壽康
當未艾而倏以計聞則萬曆七年己卯九月六
日也享年八十二配蓀橋章氏早卒繼東山陳
氏先公二年卒副室李氏潘氏子男五長郡早
卒次都陳出爲醫官次邵李出任遼東行太僕
寺主簿次郁李出爲太學生次郭潘出女二一
適庠生李慥一適厓州吏目張養廉評事公子
也男孫六思敷思椿思道思進思鍊思佐女孫
五一適子孫庠生至言一適庠生黃秀生一字
同里林春元之子復春太僕君邵等卜以庚辰
歲正月六日奉公厝于先隴鳳山之原惟公才
未究而竟施之家年彌高而慶衍于後其視世
之人藐義務忽遠貽齷齪而無聞者有間矣是

可銘也銘曰 鳳岡南峙毓秀發祥爰啓宏祚
俾熾且昌篤生令哲金玉其相蜚英胄監如鳳
斯翔剖符南國遺頌甘棠歛忠爲孝惇睦彌光
厥用未究維家是綱介齡戩穀錫胤繩芳瞻彼
鳳麓碩人攸藏我銘考德百世不忘

故鄉賓瑞南林公墓誌銘

瑞安林氏爲郡望族而長厚質行則推瑞南公
公卒將樹墓伯子司城君守經偕其弟持吳博
士所爲狀謁不佞使勒志若銘謹受狀而志曰

半山藏稿

卷十六

十一

林君名季字大處世居邑南郭衆稱瑞南公始
祖元章徙自閩之赤岸元章生願叔淵叔宋時
同舉進士所居號桂林里九傳爲友梅公仍生
逸菴公松配鍾氏松生竹厓公壤爲 吉王府
典膳配蔡氏有子五人最少爲公公幼性醇篤
長而敦行明倫理孝友天至兄弟子孤撫視有
成立女孤擇壻厚歸之旁及姻族嫠而苦節者
贍之田貧不能婚歿不能殯而葬者給之資有
差歲嘗告稔指廩平糴於匱乏賑以粟間折券

以寬貸者令君周公書調貧恤匱表其閭尋禮
爲鄉飲賓辭不赴生平重然諾意氣恂恂不爲
畛域與人卽踈微咸悉其情治家倣古禮諸子
弟有過動面創無隱他以非理忤者恒恢恢茹
納有躬行之教焉萬曆癸未春際 朝例優老

奉部檄膺冠服之錫諸薦紳樂道其事詳具金
博士侯方伯及不佞所爲文中公素凝重起家
饒洽晚年深居簡接精神充腴析生產以畀諸
子儼然稱素封云萬曆丙戌夏五月十日忽病

半山藏稿

卷十六

十一

眩時在他室命昇至正寢衣冠而瞑距生正德
甲戌七月十七日壽七十三配安人趙氏賢而
偕老子男四長守經授兵馬司副指揮次守禮
太學生次守道禮部儒士次守綸太學生女二
長適不佞子光祿寺署丞光薦次適別駕鳳南
金公子太學生郁孫男八之鸞之鳳之鵬之麟
之鯤餘幼未名孫女七公卒之歲卜以冬十二
月二十五日奉厝于邑七都仙巖之原從治命
也嘗稽漢時旁舉孝弟力田故治多長者後世

登進類以諸科而閭巷之士砥行潔脩率鮮聞
於當世要之韞善積慶釀福發祥天之所以報
德厚者有在不佞於林公庶其徵哉公閭有古
栢植自先世邑人用以表姓因撰次而爲之銘
銘曰 王以槐顯竇稱桂馨維林有栢樹德之
徵公葆玄素于栢比貞生膺純嘏沒貽令名仙
丘卜兆垂蔭蟠靈福爾後嗣尚有考於吾銘

半山藏稿卷之十七

永嘉王叔果育德著

祭文

祭文昌祠

粵稽甌郡文獻夙稱風沿鄒魯運際休明海壇
沙漲白鹿蟠城開先迪哲夫豈無徵仰惟魁宿
斗極儲精文章司命奎壁光繩九山環峙上應
列星南杓異古文筆崢嶸魁三懸象崇祠妥靈
頃歲龍集載舉鹿鳴賢關肆啓多士雲蒸行承
半山藏稿卷十七

二頁六

築海塘祭文

國家正策於海開中於邊賦此廣斥用總利權
厥壤半潰國課罔蠲額窮竈海若其憐星移
物換陵谷猶遷隄障不設良何賴焉爰稱議畧
衆口騰喧屢經當道成之惟鄙外防寇警內護
沙堧人謀伊肇厥相由天卜吉敷土刑牲告虔

尚祈毘贊不震不騫橫沙巨海永保萬年

祭漢東甌王廟

惟王肇封炎漢崇祀 皇明厥有功德今古攸
徵相茲海國並麗寵氓禦災錫福允賴威靈頃
屬春旦實王降生載忭載忻士庶咸烝有牲斯
碩有酒斯馨殷薦時若儼陟在庭

祭宋胡文定公

祠在當陽縣龍泉山

先生道德隆茂志節剛明學術卓有所自進退
不失其貞雖未究施於當世固已闡述於遺經
半山藏稿天卷十七
故誦其書者懷私淑之誼而論其世者興仰止
之誠果竭來行部祇謁佳城適際時饗敬薦芳
馨瞻松檜之挺列若恍接乎儀刑

祭歐陽文莊公

吾聞哲人之生斯道攸寄或演教以淑人或程
猷以經世翳二者每繫於遭逢雖伊周孔孟有
難於兼濟惟公稟秀孕靈道高德粹蚤際昌期
蜚聲甲第政事文章卓冠流輩學術淵源莫窺
宏邃傳心論學見精義之入神立朝宣猷見大

道之不器以唐虞三代爲可期視天地萬物爲一體惓惓乎納約自牖之忠懇懇乎誨人不倦之意後學望爲指南斯民仰其庥庇陽明先師之學得公而益彰伊周孔孟之所不能兼者殆於公而體會胡柄用之方隆乃乘化而奄逝嗚呼存順沒寧 帝恩游被有子象賢曰維善繼締觀平生諸福已備天下爲公而歔歛者耄耄之未登而公之所以不朽者則與天壤而俱敝果忝廁門墻過承陶鑄驚訃音之忽聞悵儀刑半山藏稿六卷十七

二

三百三

之虛企閭塞顛蒙孰啟其蔽頽惰委靡孰作其氣効十駕於脩塗竟莫知其所稅所期不負於幽明惟蚤夜其相策勵哭奠未躬俯仰有愧拜使西瞻憑雲灑淚

祭李封君

時雨將降山澤雲蒸碩果不食枝葉春榮克昌厥後開先有徵惟公雋茂邃學明經用賓上國試宰專城愛遺棠茆志尚鴻冥爰有哲嗣奮迹雲程諫垣風采淮海頌聲聿昭家學允惟國楨

濬發有自樂觀克承輝煌誥錫恬曠葆貞松筠
陶徑蘭玉謝庭身膺純嘏望叶鄉評優游蔗境
茂享椿齡方隆鼎養倏夢奠楹哀榮式備奚憾
幽明果叨分旬察夙仰典刑况稔令子誼辱知
生適聞卽遠愴怳曷勝末由執紼薄效芻誠

祭舒健菴學憲

惟公鄱川毓秀廬嶽鍾奇夙承芳於家學蚤通
籍於金閨司理西曹而庶獄克允分憲閩臬而
百度咸熙迨貳叅於湖省肆聲望之颯馳蓋公
存心也以博大蒞政也以明威練達之才裕於
適用清白之操矚不容緇故仰其風猷屹屹乎
萬仞之壁而挹其德量汪汪乎千頃之陂論議
發乎淵邃著作擅于瑰奇允矣士林之型範而
爲善類之師資夫何文衡之命甫下乃溘焉奄
逝而未究其施嗚呼百年一瞬萬劫同澌故位
不必卿相壽不必期頤苟脩名之克立即不朽
之在茲公之英靈雖已還歸于川嶽而平生之
所蘊負以措施於中外者固昭日月而薄虹霓

亦何計於修短過抱恨而長咨果夙欽大雅同
役荆西感一時相與之誼悵幽明永隔而不可
追陳詞潔奠用表哀私

祭高封君

維公眉山家學洛社耆英蚤歲踔厲奮跡明經
彭山振鐸爰樹風聲菁莪樂育丘壑嬰情遺榮
履素望著鄉評天祚明德哲胤騫繩翩翩三鳳
接翮雲程遺芳剩馥垂裕有徵慶鍾伯氏載際
休明內曹司理于張並稱出相王國賈董齊名
半山藏稿入卷十七

五

二頁五
包

帝用寵嘉勲恩載膺丘園增賁祿養歡承方綏
晚福茂享遐齡云何厭世溘焉上昇吁嗟邦瘁
喪此老成果締交令子誼篤平生竭來行部拜
公在庭恭詢壽履喜遂康寧倏聞計告怛然內
驚卽遠有期執紼靡能薄陳祖奠聊表哀誠

祭學士華鴻山公

範福莫先於壽考有子未必其象賢祿位兼得
名範或愆人生而備茲數者殆絕無而僅然公
以雋才而應制科由郎署而躋翰苑膺簡命

使夷邦侍講筵典文衡掌留院清塗華轍洵歷
而遞遷已乃見幾引遯韜賁丘園傳經戲彩絕
意旌旃暫移忠以爲孝亦知白而守玄篤親濟
衆義問昭宣探幽結社詩酒聯翩其樹德於鄉
爲政於家率本乎大公至正而降禮於先貽謀
於後皆以爲可誦可傳鳳毛麟趾昭文明之瑞
玉輝蘭茁表慶澤之延席華腴而養素抱朴履
盛滿而挹損撝謙康躋壽域廣蓺福田凝神時
乎觀化齊居託于逃禪人或擬之若水公則慕
乎樂天胡鼎養之方渥而蕙館之俄捐相隆亭
重興乎偉構蕭塘預卜乎新阡以公之高明曠
達固通乎幽明之故而無憾於福履之全顧山
木已頽典刑聿喪而邦人門客安能不愴悼於
平原果夙叨世講數奉徽言情固馳於雲樹跡
則限於山川悵奠楹之見夢愧執紼之靡緣擘
江蘼以寄悃望鴻渚而涕漣

祭鄭秋江

世變下趨友道中圯海內朋儕如兄有幾憶昔

定交粵踰二紀意氣勤勤道義疊疊休戚窮通
同情一體管鮑雷陳自謂可擬余返鄉間兄淹
京里旅食經年壯心未已余赴春官載會京邸
倏合倏離以悲以喜二十年間有如夢寐兄既
策名余亦登第庶幾同朝蚤暮依倚云何弗祿
溘焉奄逝念兄初懷唾手青紫以身徇官反貽
身累北堂中閨汪汪淚皆亦有遺孤藐焉寡恃
善人弗祐天胡憐矣念之痛心潛焉出涕悼亡
恤孤朋友之義敢負幽明以辱知己陳辭告哀
靈其鑒止

半山藏稿

卷十七

七

三百四
包

祭外父林翁

嗚呼翁之生也七十年而其蓋棺結衾也奄七
七於茲矣哀人生之幻化感日月之徂征想音
容於冥漠腸刀剗而涕泠慨幽明之永隔而臆
以繫公之生平夫其居易履坦塞兌葆貞託醉
鄉以逃隱謝聲利之樊嬰竟削跡於城府狎魚
鳥以忘形略錐刀於出納而尤加惠於困窮若
我公之操心履行蓋義皇之逸老而葛天之遺

英方古稀之初度偕令女以歸寧群牽衣而介
壽圖効祝於岡陵胡松栢之貞質乃望秋而遽
零緬懷易簣執手丁寧囑果以後事勗果以令
名以吾之薄劣其能副公之望與否雖難必於
竟成而凡以任公之託奉公之終者惡敢不竭
其情矧諸舅氏咸克敬承燕謀垂裕善慶斯徵
卽未必超三千之界而可以慰九地之靈

祭姜四山

先生孝友忠信可通於神明整齊嚴肅不違於

半山藏稿

卷十七

八

三百十五
毛

造次信可謂獨行君子矣應貢來京待除甫及
竟以客死天之報施善人乃若茲焉傷哉命矣
然先生易簣之辰吾鄉士友莫不欷歔痛盡而
歎善人之不祐匍匐周旋凡附于身于棺者畢
用其誠此則先生平生好修之所致不能必于
天而徵於人者也彼有馬千駟者無稱于死之
日九合諸侯者委其屍而莫與收視先生又何
如似可以瞑目矣僧廬蠲潔先生所安靈其暫
止聿戒端歸例有津遣當爲圖之哀賢之情吾

輩誠不能已達生之論先生其取以自廣焉可也

祭司訓陳雪峰表叔

惟公秉介特之資負剛直之氣聽其言侃侃而無所詭隨充其志耿耿而期於踔勵蚤業明經竟厄一第應掄秀以賓興爰師表乎閩士望譽方歸休閒遄計膺禮養于膠庠肅鄉邦之瞻企旣引息以謝交亦韜光而塞兌茂介遐齡翱翔樂地蘭玉繩芳箕裘克世乃優游以考終可無憾於仙逝果忝竊世姻夙承高誼悵卽遠之有期傷老成之莫覲薄祖奠于束芻望焄蒿而怵惕

祭查近川京兆

繫天目之礚礚介湖海以韞靈鍾人文於濬發紛霧滄而雲蒸惟公家世趾美簪纓蓋已擅一方山川之秀而士林厚見於周稱載稽名業湯歷可徵諫垣風采銓曹典刑暨荐陟於卿寺屬台序以允升何五日之京兆乃奄忽而卽冥噫

嘻人生幻化誰能百齡位至京尹已列上卿矧
傳芳之有託而鳳儀鸚薦又接武於雲程斂厥
靈以還川嶽留有餘以遺後昆其可以無憾于
九京某等忝同朝列稔辱平生方相期以經濟
悵永隔於幽明薄陳芻束用表悃誠洋洋英爽
聿來廣庭

祭王海壇司訓

世道交喪哲人山頽我欲天問冥莫難期噫嗟
我友夙負瓌琦靈識超詣能自得師文行燁茂

半山藏稿

卷十七

十

音今

毛

聲望颺馳藝林翹楚鄉邦表儀共瞻鳳舉忽愴
麟陪名高鬼忌才雋數奇重悲友道日見式微
掩袂懷耿絕絃爲誰繫人產世薤露易晞富貴
無述水泮同澌君有令聞不朽在茲學通幽明
修短奚疑靖節垂老責子有詩亦有長文侍祖
以嬉達人委命仁後宜祁齋咨軫悴實維我私
死生勤恤誼胡敢渝行矣卽遠祖薦生芻昭茲
英爽聿鑒矢辭

祭林虛白內兄

嗚呼天人交勝禍福靡常以公純心篤行無愧於古人素孚於鄉族乃不獲躋上壽而永康福予惡能已於痛傷念予賤齒與公同庚貳館之初同爲少壯而家慶方穰轉盼寒暄重罹變故實賴公以紀綱嘗譙公坐致豐裕可自優逸而何拮据之不遑計公婚嫁且畢家緒可托晚福庶其未量頃予與令妹定居祖里擬邀公杯酒傾敘徜徉詎意計音倏報致予舉家之徬徨令妹同胞者四人陳姨蚤世伯氏繼亡所期以同

半山藏稿下卷十七

十一

三月〇五

白首者惟公其尚強柰何溘焉奄逝俾其匍匐遄歸驚覩素帷之在堂又何忍見諸孤之恓惶然予所持爲公慰者曰仁者有後公嗣則良脩文殖業克遵義方是公之平生崇儉惜福未克盡享者其留以畀胤祚之昌天之所以報施善人者夫豈渺茫

祭侯小谷

惟君質侔圭璧業紹箕裘旣掄鄉以擢秀亦慕古而好脩雖身處華腴而志意惕然不殊乎韋

布之素卽時方遵晦而才猷卓爾夙見于論議
之優清時雋才坦道驛驅德門偉器玉瓚黃流
何燕山椿桂方慶其向榮而謝庭蘭玉遽隕於
先秋琴書遺懔花木含愁痛百身之莫贖欲天
問而無由昔子安絕筆於滕閣長吉徵賦於玉
樓卜夏哭嗣於西河之上延陵葬子於羸博之
陬自古英賢多厄於數人生福履罕覲其周噫
嗟人世噩夢浮漚固知齊彭殤爲近誕殆有超
浩劫而長留予誼叨世講情關戚休茲卽遠之

半山藏稿卷十七

十一

三百八

毛

有期悵永隔乎明幽而顧稱達生談委命者下
以慰九原之齋恨上以解高堂之煩憂

祭莆田陳翠谷封君

惟公席簪纓之世美紹詩禮之遺芳躬潛德而
葆素表行誼于大方爰發祥而啓胤騫甲第而
騰翔嗟我下邑頃承祲荒辱令子之撫字軫疾
苦其如傷斂晶神於大雅粹玉質而金相教化
先於讞罰德義賁以文章潔持身於氷檠新百
廢而具張舉賢愚小大均受其賜熙熙乎沐膏

澤而噓春陽於此見公之詒穀而惠我民士以
嘉福者孰非明德之將比者我侯奏最公履壽
康冀封章之遄錫瞻具慶于琴堂胡厭世而倏
逝慄失色于鄉邦念我侯之哀毀走耆穉而徬
徨奪父母於待哺嗟四境之靡望矧果等奉教
令子籍庇周行合私門而念德能已夫遡風而
涕滂嗚呼甌山閩海雲水蒼蒼悵靈輻之遠卽
徼慶澤於無疆敬陳哀誅薄侑椒觴旣以慰我
侯孝思之永亦以展邦人報稱之常惟公神其
半山藏稿六卷十七

十三

三百十二
包

鑒止庶來格之洋洋

祭族祖尚書南渠翁

稱故國者必有世臣以爲之楨幹稱故家者必
有大老以爲之典刑維翁夙承家學晉陟王庭
奮庸樹績邁德流聲遺愛昭于尸祝嘉猷炳乎
丹青忠孝兩盡出處有經故論天下達尊累朝
名德而爲邦家之基者咸於翁而首稱及夫辭
榮請老龍卧鴻冥香山締會洛社聯盟普庇庥
於族黨收雅望於鄉評福履純備胤祚光繩維

寧溪發源南門啓祚所以奕世載德者殆於翁而益徵果瞻依孔邇教誨屢承嘗期登堂以奉杖屨悵今已隔乎幽明歲聿其暮柳車戒程不獲躬奉几筵從事丘隴以効區區之誠信愧負之靡追徒溯風而涕零

祭族祖南村公

於惟我公高朗敦篤庭訓幼違踔厲自夙雅度清標迥出流俗弗剛以戾弗震以縮簡節寡辭動式矩矱寄興咏歌放懷丘壑孝奉慈歡安分

半山藏稿卷十七

十四

三百八十八

自足吾族實蕃賴公收睦式教有訓佃教有朴郡伯載聞首舉鄉約敦禮脩令咸資揚確素履如公可謂弗辱天祚宗祊公宜禔福云何甫耆而竟弗淑念公在生爲衆耳目今也云亡義當匍匐老母遺孤情事多感敢不周旋以慰冥莫醪奠陳辭聊盡一哭

祭季父寺丞公

嗚呼叔父智足以料事揆變而禍蹈於不測義足以保鄉庇族而身隕於非命仁足以恤窮賤

匱而不獲耄耄考終以食報於天此皆理之不可信而果輩所不忍言惟我叔父英資天植正直無偏處勢若退見義必前以具慶而躬乎甘旨遂樂志而畢于林泉籍燕翼之餘享安榮之福垂七十餘年迨我先公肇建宗祠敦舉族約凡以講信而脩睦者實賴叔父以周旋島夷肆亂毒痛海壖叔父倡義糾旅威武布宣壯猷義膽老而彌堅往歲夏帥戰歿黃侯陣殲衆皆悼惜而叔父獨羨其賢謂丈夫生世能以身殉國何必於首領之全又嘗忿官軍之畏縮致賊勢之蔓延謂使我秉麾仗鉞必能殄滅羣醜廓清瘴烟果謂兵凶戰危未可易語而叔父顧以爲不然嗚呼豈意平昔所推論者遽以身蹈之一逝而不可援身無民社之寄職非將帥之權徒以義氣感奮蔽扞閭里而竟厄於逆遭此果之所號呼痛憤直欲叫闔而籲寃鄉人哀慟如喪所天且將謀尸祝請國典圖不朽於萬千嗚呼有生同盡芳譽永傳英烈之氣炳乎貫日星而

亘山川第吾宗隕此老成吾鄉失其屏翰奚所
依賴而仰瞻果情關骨肉痛切潺湲薄陳牲俎
敬薦誠蠲維英靈之有赫恍陟降于几筵

祭中丞竹巖叔父

士君子之立於世也進則思澤天下退則思表
一鄉使非出處有道亦惡能身際其全維我叔
父孝友質直純於天性淵閱博朗邃於精研而
鴻猷遠略則抒於負荷之堅起甲科而試鉅邑
晉臺憲而肅官聯代狩滇南埋輪發驕危之釁

半山藏稿卷十七

十六

三百八
毛

貳司廷尉讞獄疏牽制之偏忠誠風采簡注於
廊廟者卓矣而稱賢嗣膺節鉞開府萬里牂牁
西棘之屬奔喙而爭先尋以帥臣違迂功罪未
雪遂引疏而歸田率真敦朴師表於鄉族推誠
孚惠軫援夫顛連乃若山雲水月徜徉眺咏偕
賓朋以卒歲望之矯捷而如仙故詢耆舊者擬
潞公之復相卜壽履者祈衛武之齊年胡天弗
憖倏爾歸盡而元化之厚於賢哲者或未盡然
要槩叔父終始之際令名全節有聲於出處偕

老昌胤篤慶於美傳而不朽之論則炳史冊而
光山川果科第名叨同榜而杲與本仕及同朝
群林處而周旋生平切磋訓誨仰籍於叔父者
未可以言宣感念今昔真若石火之與電烟而
音容想像曷已夫賜割而涕淚崇觴告誅敬薦
几筵惟英爽之不昧瞻陟降于在前

祭業師西澗叔父

惟翁性資穎敏操履端莊完天稟於朴茂不隨
俗以矧方夙研精於經術擅博雅於詞場自少
半山藏稿六卷十七
壯以至大耄教學靡倦及門之士前後幾數百
輩而成名登仕者踵出稱師範於一鄉海濱佚
老賓禮郡庠壽齡近百著作流芳其伏生康成
之流亞而卓然於大雅之堂始先公之入仕也
果兄弟就學京邸延翁偕往張文忠公見而器
屬翁以母老辭歸甘遵晦於儒行及先公之退
居也祭酒公時亦在告翁周旋左右凡有言告
語遇事劑量咸爲翁傾寫蓋信其質直而無他
腸父叔卽世翁念不忘爰及兒輩再籍誨將故

翁之行履心跡果兄弟所熟知而審視者視恒
衆而周詳翁家故清素晚而豫康孫子森立且
克紹夫書香考終順化慶澤未央翁之所取於
生平者亦奚憾于彼蒼顧果兄弟以髫齡侍翁
以稀齡哭翁感念今昔惡能已夫盡傷薄陳肴
俎敬薦椒觴惟英靈之鑒止庶彷彿其來嘗

祭給諫東華弟

嗚呼詎意吾弟有此禍耶直道難容善人弗祐
人固嫉之天亦忌之耶嗟惟吾弟雋才邃學履

半山藏稿

卷十七

六

三十八

邁居貞雖忤時引退而中外想其丰采鄉族式
其典刑此身所繫誠不啻泰山之重何其視死
也乃若鴻毛之輕昔在諫垣屢有建白雖嘗危
言以觸禍猶虞老母之震驚胡今乃弗念耶蓋
自倭夷肆亂海宇沸騰借我季父倡義聚兵鄉
族保庇績用有成迨季父被害寇勢縱橫焚掠
四境攻圍郡城時弟老母寓郡身留祖居實迫
蹙而靡寧因整旅以赴援拉憲帥而誓盟豈意
寇遇中道禍成不戒而大命之俄傾是吾弟之

死上以爲親下以爲民非徒慷慨一試以倖功
而希名維弟樹立卓可紀稱惠政佐郡直聲在
庭砥礪名行古道是程雖微一死炳若日星而
况奮不顧身以徇君親之急若是乎烈烈錚錚
國有卹典鄉有芳評承家有子振采蜚聲是爲
不朽是爲義榮是天所以奪彼與此而不負乎
平生幼同志業念子弟兄意氣相許道義相成
一旦永隔能不悵恨於幽明矧兵燹之後宗黨
替陵而復失此領袖衆將何所依憑悠悠我思
我而翊我宗祚於冥冥

祭僉憲九難公

天生賢哲世道攸需維邦屏翰維族表儀哲人
云逝里巷咸咨矧繫宗黨痛盡何如竊念吾輩
德業相期歷任中外政績可稽遺榮好遜先後
懸車居雖曠隔聲問數詒側聞雅尚閉關息機
惇宗崇禮結社賦詩冥心泉石抗跡塵緇赤城
天姥山水多奇寧川祖里爰集英耆夙言要約

杖策追隨載脩信睦共講恬愉云何弗憇奄忽
長辭計聞驚悼相對涕洟幸有哲嗣式衍慶餘
令德邁種具載口碑發爲詞翰炳若懸璿志業
未竟不朽在茲爰有賢助聿表刑于比德偕老
彌性同歸考祥視履無憾庶幾第我宗屬莫遂
瞻依感念曩昔尤切恫悲臨風逆奠敬侑以詞
神交恍惚望轉淒其

祭從兄署丞見鶴公

維我大父貽燕發祥父叔濟美而諸孫承席餘

半山藏稿

卷十七

二十七

三十一

慶兄爲鴈行之先始仲父之當位也聲焰方灼
而兄盛志文學規猷等於豪舉經術暢於窮研
操觚授簡詞采蔚然才能意氣卓爲貴介之翻
翩迨仲父之卽世也志業未竟而兄繼緒進取
清班簡於典客雅度肅於鶴聯聲華日起勇返
林泉撫松調鶴望之翛然而若仙故不知兄者
以爲簡亢而絕物而知兄者以爲恬靜而樂天
若夫恂恪之容無間於幼賤謙恭之德不倦於
衰老世稱鞠躬君子大雅温温者揆之兄亦奚

讓焉矧厚稟之鮮疾更視履之安便謂當優游
未艾鶴林南墅將百歲以流連胡昨冬之偶恙
乃甫周而棄捐嗚呼世界缺陷福履難全槩兄
生平所享壽偕豫順孫子可傳取於造物者已
厚雖晚歲不無少躓而達觀順化考終歸盡亦
何憾於幽玄顧果等群從少而同席壯而同仕
歸而同老前後追隨者幾七十年乃一旦舍我
而去失此領袖奚所依倚而仰瞻私衷孔疚白
首同憐所以奉兄身後期無忝于門閥者敢不
敬以周旋陳詞薄奠有淚潺湲惟英靈之式好
恍陟降于楹前

祭景銘姪

嗚呼景銘而止于斯爾生何爲爾往何之天道
福善吾今則疑胡畀之厚而數則奇維子令德
麟趾鳳儀匪家之畜維世所希蚤歲特立聖賢
是師撝謙履信力踐精思維國茂才維家肖子
維宗哲人維鄉善士維學益友維教嚴師懋此
矜式衆實賴之胡天不弔乃弗勅遺豈翳家難

吾道其衰半山文會爾秉其麾子今長往予輩
疇依昔與我嘆友道陵夷十年締會此事今稀
人事得失聚散因期得係俱存爲樂庶幾子言
在耳胡遽我違松蹊竹圃山顛水涯豈無佳賞
倍予慘悽亦有簡帙手澤所遺傷心撫卷有淚
漣洏載惟永訣戰兢是持遺言疊疊厥志可稽
平生力學豈曰干時家貧親老筆耕是資祿養
未遂而反詒罹君子成親令名是貽富貴磨滅
壽考奚裨今子云逝行道涕洟譽滿鄉曲不朽

半山藏稿卷十七

三十一

三十三

毛

在茲庶幾無忝以慰爾私在昔孔門厥有顏氏
與子同庚天奪其齒疇昔之夢厥兆匪虛子亦
顏徒希之則是隕石半山咎徵載示哲士摧傷
運化所係豈翳宗祊邦家之瘁維子英靈正氣
所萃結爲休祥磅礴天地意氣感孚神明攸際
尚冀贊予不替策勵幽明相期惟此而已故予
輩所深悲者哀賢之情而與子所共慰者達生
之理

祭經元景昭姪

嗚呼景昭胡遽止於斯耶千里之駒蹶於中道
九萬之鯤厄於泥潦予安得而不痛心也耶往
歲之秋天奪景銘盡心摧腑迄今未平慘茲降
割爾躬復丁斯文之禍門祚之零予安得而不
痛心也耶念吾與爾幼同志業泉石聯盟道義
攸攝兩試春官載同跋涉爾旣抱疾憂心忡忡
扁舟北返卒業南雍就醫假館力疾相從予贊
爾歸豈爲過計冀安爾衷以便調劑孰謂雞鳴
山房遂爲永訣之地也熒熒寡室悲號顛天高
半山藏稿卷十七

卷十七

三三

三百九

堂垂暮淚眼潺湲命旣弗永胤復斬然予安得
而不痛心也耶嗚呼死生旦暮幻化遞遷俯仰
宇宙孰果長年苟斯名之不朽亦無論於殤錢
達生匪誕委順維賢爾其會景銘於地下握手
相勞而質以斯言

祭李太夫人

木難照乘產於重淵昭華連城種自藍田名賢
誕降有開必先惟靈聖善內美紛駢篤生哲嗣
玉裕珠媚晉司密勿謨猷載宣相業炳焯帝

眷懃倦式昭慈訓誥錫鸞翩鼎養涔渥孫胤蟬
聯耄期甫屆溘爾賓僊箕範五福殆履其全生
榮死哀遺憾可蠲惟我元宰純孝自天斬焉在
疚銜恤言旋儀刑暫逃曷慰具瞻旣傷且弔肅
薦几筵有辭不腆用表微虔

祭叔祖母邵恭人

維母鍾美右族茂著令儀相我春翁宦學攸資
柴桑歸老隱操同持發祥令子振耀彤墀桂芳
蘭茁更茂孫枝偕老燕喜載沐恩輝緬懷賢母
半山藏稿卷十七
貞淑惠慈式我家族靡不瞻依祿養甫及天不
憇遺栝棧飲慟風木餘悲睠茲全福耳目所希
矧爾餘慶寵錫尚馳榮哀式備亦胡憾而歲聿
其暮卽遠有期陳觴一奠薄申我私

祭族母貞節葉安人

臣忠婦節天地正氣爲國爲家綱常攸繫維婦
苦節事尤不易安人蚤嫠栢舟自誓艱辛備嘗
節操愈勵雖有繼子莫可倚籍念此熒熒可爲
流涕茲焉考終奉歸合窀會首九原庶幾無愧

國有恤典尚光厥世臨祖一觴哀賢之義

祭叔母薛安人

夫享耄齡之壽際重慶之榮斯亦造化之所篤厚而不可多覲於人生維安人以蘭蕙之質閨閫之英蚤承鴈醮肅戒鷄鳴內則罔替婦順咸稱迨杏軒翁之見背撫藐孤以伶仃內外壺務悉萃經營憑遺經以訓子貽厥孫而顯名安人優游耄耄慶會寵靈蘭芳繞膝燕喜充庭意晚福其猶未艾而期壽可以存仍胡珮纒之倏委

半山藏稿卷十七

三五

二見十一

包

乃靈馭之上昇繫考終而備福亦何憾於幽明果夙瞻嫫範醪薦飶馨悵徽音之日遠而昭格之難憑意與杏翁邂逅泉室其將敘家慶而慰籍于冥冥

祭先嫂張安人

夫稱賢母者取徵於哲嗣而貴勢不與焉尹期賢養孟以三遷仲郢原明之令德而本於聖善蓋自古而記旃若安人之淑嫫合疏戚遠邇而無間言孝敬章於內助慈惠洽夫姻媿有美諸

嗣大雅翩翩伯氏負醇儒之譽仲季齊俊彥之
肩雖蜚騰格於時會而振采敷文於士林者已
昭夫慈訓之傳矧積善餘慶有開必先安人相
我友菊公咸有懿德宜胤祚之錫延今曾孫繞
膝秀發森然是食報其猶未艾而有待于既定
之天嗚呼耄齡甫屆共祝百年胡慶觴之未舉
而總帳之遽捐然安人閱世既久變故多端榮
枯消息稔已達觀茲乘化以歸盡庶生順而死
安余托知令子休戚情關悵徽音之莫嗣望素
幕而銷魂爰薄奠以陳誄用慰籍夫九原

半山藏稿卷十七

三六

三十一
毛

祭從弟婦張安人

安人之歸于吾門也四十餘載而貞肅之風勤
約之德稱于閭內外者允矣士女之賢其相我
弟氏也孝養夙致賓祭惟虔總家政之纖鉅甘
勞瘁而仔肩其式穀爾子也大義是勗經旨能
傳不爲姑息之愛而操約束之嚴是相夫訓子
安人蓋身任其責而且俾吾弟內顧之無牽今
緒業闋于昌裕子輩嫻于文藝孰非藉于內助

而然念生平之多疾輔醫藥以引年矧拮据于
夙夜衆咸訝而憫憐迺茲望耆偕老孫枝滿前
是取于造物者已踰夙願而乘化長逝亦奚憾
于彼天顧予等感念終始咨嗟而悼惜者弟氏
抱恙而靡視子婦安養而弗待二三妯娌白首
群聚而先背安人未散之魄知亦不能無悵於
幽玄嗚呼有生同盡澤永枯棗陳詞崇俎遡風
淚爰惟淑靈之不昧儼陟鑒于雲輶

半山藏稿卷之十八

永嘉王叔果育德著

箴

左箴

維皇降衷昭哉有赫罔念爲狂昏斯忒心逸
日休曰惟作德爾懈于修衆何以則勉茲身心
夙夜警惻毋爲譸張毋事矯飾毋惑後言母行
胸臆犯無怒藏施無德色語無誇毗行無伎刻
慎之眇微起居食息大雅温温小心抑抑卓彼
半山藏稿卷十八

先民允矣我式

右箴

物與无妄帝命罔私中孚起信聖訓昭垂爲詭
爲譸民慝日滋高明鬼瞰屋漏爾知隱衷宥密
疇曰可欺一言失實人謂無稽一行詐僞人蓄
羣疑寸心不檢生平以虧人固爾貳汝亦海之
相維君子信以自持幽無神責明無人訾訛肫
慥慥賢聖是師

四戒箴

荒耽沉湎昔戒濫觴宴安衽席耽毒靡常崇賈
賈怨構忿貽殃孰羸孰縮孰懦孰強析較毫忽
如鼎沸揚終以胥溺如決斯防哲人炯鑒敬良
靡忘玆陽葆粹齊聖自將屏彼銖算泯爾低昂
維貞維靜知微知彰淵兮止水澹兮玄霜操之
兢惕迪我平康

四維箴

禮義廉恥稟于天彝綱紀百行是爲四維立身
行已權衡以之爵可塵視志不可緇生可蹤棄
半山藏稿卷十八
操不可隳進退辭受憂悔罔知安常蹈變檢鏡
靡渝相彼污澤穢濁所遺淵澄嶽峻高潔攸推
人靈百物名節是支正誼明道繹之我思庶以
修慝無忝男兒

戒殺生箴

凡厥庶物肖形于天愛生畏死蠕動同然人饜
百味水陸致前維彼家畜飲啄自全取用以節
亦何已焉乃窮口腹屠殺靡厭彼雖蠢爾人亦
宜憐錐刀將及死轉避遷痛鳴苦迫血并猶泉

聲聞甫息鼎鑊沸煎剝鬻羞膳侈爲肥鮮筋無
餘味席有棄捐日或用一久將萬千傷生忍殺
戒于冥詮暴殄洗腆誨之名賢瞿瞿惜福毋忽
予言

銘

硯銘

爾默默爾渾渾方而不矧黯而能烜用之沛然
昭于藝苑吾爾友矢弗諼

漏銘

半山藏稿

卷十八

三

晝而夜不違其則循而環不間其息漸進而時
行維水之能酌盈而濟虛維人之力

日晷銘

日何以測爾表樹也禹何以聖爾陰惜也玩愒
之徒逝不與也惟爾示之庶其有惕也

小鐘銘

維鑄斯貞維懸斯挹昔厠天球今列吾祀小而
叩默而聲庶幾指使

石磬銘

光之潤發于泗濱形之折象于哲人聞之四達
曰維金玉之音

酒器銘

盛以觴虞其傷也酌以卮防其危也爲觚爲觶
戒其孤與單也手其器義其名節飲而頤神庶
乎其齊聖也

大理石屏銘

見山思靜見雲思變見石思貞是屏也點蒼洱
海含晶耀靈其靜而變變而貞可以比德而盟
半山藏稿卷十八

瘦木梳匣銘

梗柟鬱蹙以成縛錦之瘤髦髮去落乃同金石
之壽物之見疾者見珍至柔者至久吾其爲堅
白之守

大德寺鐘銘二首

首山輸精大冶效靈不窮不櫛隨叩隨鳴福緣
胥合大夢由醒永保金剛以鎮化城
質鎔洪造名錫景暘十方功德八音紀綱冷鳩
協度鳧曠稱良晨昏候報今古聲揚

贊

老子像贊

指木爲姓生值晚周關尹望氣函谷青牛經傳
道德守玄致柔猶龍起嘆至寶稱優惟聖知聖
誰謂道家者流

西王母圖贊

得西方之真氣先後天而不違植蟠桃於崑崙
叅漢馭於瑤池生超萬劫元化攸司何幻形之
靈現驂鸞御烝而載見于斯

半山藏稿卷十八

五

侍郎卓公像贊

海嶽之英巋然偉器金玉之姿凜然生氣至大
至剛道義克配發爲文章星斗斯麗建此謀謨
社稷之衛匪躬靡家抗節何毅鼎鑊如飴爵祿
焉冀不負其君見許

先帝夷齊並稱王魏有愧一死匪輕綱常攸繫
赫赫英靈極天蟠地立懦廉頑風乎百世

通政溪橋翁像

於乎此我先大父之遺容也昔也侍於燕喜今

也瞻於陟降而愴慕切于吾衷愉色表其慈煦
粹容符其謙冲生膺備福榮哀侈于錫典沒升
廟食美報昭夫玄功卓哉明德之遠哉矣慶澤
之隆其惠我嗣續於無窮

宗兄鶴溪公像贊

風月襟懷烟霞體質言清而行亦貞見達而心
自逸引鶴寧溪長吟抱膝爰締盟于商山豈索
價于少室殆葛天之遺民而與河上漢陰同其
介律

半山藏稿卷十八

六

小像自贊

予爲山澤之臞胡爲乎金紫之紆予爲天地之
迂胡爲乎福澤之需一念不欺生平之所自許
有餘不盡庶其還夫太虛

半山藏稿卷之十八

半山藏稿卷之十九

永嘉王叔果育德著

雜文

贈郡侯斗岡李公入覲帳詞

伏以乾龍肇御萬方協利見之誠離象重明羣
后肅朝宗之典儼天顏于咫尺顧周道之委遲
望切停雲恩沾湛露恭惟 門下學擅儒宗望
彰世美留都筮仕隱數萬之甲兵越海分符囿
三千於禮樂庶僚籍其綱紀覩鈴閣之晝閒多
半山藏稿卷十九

一

士獲所依歸慶門墻之春郁生明作肅更持水
檝之操決滯剗繁共羨霹靂之手山多彪虎爭
負子以渡河歲苦蘊蟲式化霖而需野海上烽
烟坐熄境中鼂犬不驚化洽黔黎名先薦剡豐
城瑞氣豈徒侈乎物華南國崇陰行見騰乎輿
頌禁贖遺於合屬咸快肅清委印綬於崇朝略
無繫吝治行信爲踔絕舉動可謂光明者矣某
等心濡道化身怙庇休解珮留綦莫遂子民之
願望塵想采益動神明之思尸祝徧窮鄉願寇

君爲之再借袞衣歸上國恐鄧侯挽之不來聊
陳下里蕪辭用表東甌遺愛詞曰 碧空初過
瀟瀟雨候鴈南征度江水刺史風流鸞鳳翥雙
旌五馬青山紅樹飛蓋翩翩去 玉關銅雀高
如許回首東甌舊游處政碑已載行人語日耀
金宮風清璇陛天上陪星履 右調青玉案

贈郡侯洞嶽楊公入覲帳詞

伏以飛龍御極萬方覩肇曆之辰振鷺充朝羣
后謹求章之度循良首標乎列郡功庸明試於
半山藏稿 卷十九 二

九重夙戒星馳式瞻晝接恭惟 門下三湘毓
秀九畹發祥偉望震于巖廊英聲動夫山嶽天
臺執法朝端夙仰霜威越郡分符海外胥沾濡
澤方擬戴星之治倏動望雲之思念切報劉靡
易三公之養恩垂借寇頓回五馬之春順土俗
而宜民情由儒術以飾吏治恢恢乎刃游若有
餘地休休焉海納何所不容三軍感餉給之克
歡聲雷動四境服刑清之化協氣春融烽堠靜
於先聲妖魔懲於獨察座銘昭揭檢身奚待四

知輿頌揄揚當官不愧三事周公瑾醇醪旣醉
趙成子愛日可親肆秀發麟祥已見玉環之授
而慶重燕喜疊承錦誥之榮幸壽母之旣康徵
仁人之有後聲騰遐邇瑞應國家頃屆述職之
期祇切望塵之想囊琴携鶴行看熊軾載驅增
秩賜金快覩龍章晉錫凡在章逢之屬均叨綱
紀之功移孝爲忠願挽循良之駕懷賢慕德載
歌蔽芾之章望悵鴻飛謠陳驪唱詞曰 民力
東南嗟欲竭由來休養需英傑君侯卧治軼淮
半山藏稿卷十九

三

陽豸史流風還烈烈豈弟民胥悅貞標皎映水
壺潔喜政成不讓龔黃最績書天闕 也知今
伯陳情切士民懸想真飢渴人心天意萃禎和
壽母麟兒慶祥發忠孝全高節勳名指日登朝
列願茲行再借公車化澤覃甌越 右調歸
朝歡

贈邑侯介石王公入覲帳詞

伏以名賢卧治絃歌覃海國之春令典肇新政
績奏天朝之最儼驂駢於周道集鳧鳥於虞庭

慶際泰交寵承晉接恭惟 門下望重巖廊名
齊山斗藝林絢采光搖潁水之英花縣分封澤
沛甌江之潤利器特施於繁鉅福星借照於瘡
痍政本昭明洞然青天白日體存博大允矣喬
岳巨川催科先撫字之仁校藝收得人之慶操
持冰檠不云暮夜無知化洽菁莪式咏陽春有
脚本經術以飾治挽回鄒魯遺風崇古道以齊
民茂著龔黃美績搢紳想其風采黎庶得所瞻
依屬述職之屆期肆求章而來享某等周旋教

半山藏稿

卷十九

四

益仰庇仁休旃旒端驅快靚朝陽儀鳳袞衣在
望緬懷遵渚飛鴻輿頌滿東甌莫遂扳留之計
棠陰蔽南國敢忘培植之恩用綴蕪辭爰陳騶
從詞曰 白鹿城頭喧疊鼓風送仙槎發江渚
雙鳧直傍五雲飛回首河陽花正韡鳳鸞霄漢
翥枳棘維應暫棲處詫化成豈待三年已見民
歌舞 使君聲望侔單父臨風謾把瑤琴撫停
雲江上挽霓旌非煙叢裏叅鵷序 聖皇新御
宇疇咨清問同堯禹念東南民力竭矣好爲陳

當宁

右調歸朝歡

贈邑侯蠡湖伍公入覲帳詞

伏以聖曆開元萬國仰垂裳之治仁賢奏最五
雲瞻飛舄之輝肅令典于肆朝荷殊恩于三錫
慶霑鷺序望儼驂駢恭惟 門下上國奇英西
江偉望五花夢筆瀛洲占甲第之華百里分符
越海被絃歌之化賢聲蜚於上路民瘼悉於下
車理劇剴繁決事優乎游刃推誠御衆催科晏
爾垂簾教澤荐被于士林德意誕孚乎黎庶稽
半山藏稿一卷十九
田均賦宿弊爲之悉蠲問俗采風雅音因而間
作飾吏治以文學回枯槁于陽春麥秀續美於
漁陽棠蔭興歌於南國績成三載聲徹九重頃
屆明試之期式戒趨朝之度某等涵濡芳潤仰
庇恩徽方父母之具瞻屬廟堂之注望指長安
于日下行看驪馭遄驅念并州是故鄉切冀袞
衣信宿遷喬有待借寇何緣爰採民謠用陳祖
席詞曰 象浦潮生霜月曉中流鼙鼓催征旆
雙鳧直向彩雲翔影落清江避飛鳥際泰隆周

道春回鳩鵲祥光繞想金門會弁如星式燕歌
魚藻 中牟惠政書上考雲程萬里從茲肇宵
衣望治需循良御屏蚤見芳名標烽烟連海徼
軍國徵輸殷歲杪東南民力已難支願爲陳天
表 右調歸朝歡

致大司馬楊公榮任啓

伏以虎帳雲屯威望已加于六鎮龍章天錫恩
榮申眷于九重茲當旗旄之言旋式遂袞衣之
快覩邦家倚重寮屬騰懽恭惟 門下才資英

半山藏稿

卷十九

六

雋識蘊淵宏懷方叔之壯猷負晉公之雅望文
武展爲邦憲忠孝本自家傳應運篤生允矣兩
儀間氣爲時宣力屹然萬里長城頃因羽檄之
交馳迺承簡書以委重旣整軍以經武亦開誠
而布公在宣大已收戡定之功于薊遼尤見撫
綏之略威惠宣而三軍感奮風聲布而羣醜震
驚恩紀三錫于轅門姓氏宜登於麟閣邊防載
戢旣紓北顧之憂 召命寵將式叶南征之吉
某等謬筮官聯肅瞻道範竊幸蘭金可結深慚

葭玉相依蓋如合爨以居而應門得主亦若同舟共濟而操柁有人芘賴弘多懽愉倍衆謹戒合屬穆卜剛辰預清馳道以傳呼仰候屬車之蒞止敬脩緝簡用告僕夫

代本兵致徐相公啓

伏以鼎鉉回春海宇仰昭融之化需雲垂象君子當宴樂之辰緬懷退食之委蛇竊擬摳衣而晉接恭惟 門下自嶽降生惟天純祐脩禮樂以匡皇極掌絲綸而代天工入告謀猷躬勤吐

半山藏稿

卷十九

七

握旣勞謙而得士亦清靜以寧民

主上特眷其忠天下陰受其賜直舍命營於內苑夙夜在公安車假重於外朝尊榮特至功高而德彌邵位極而禮愈恭凡忝屬於章逢悉叨容乎陶鑄某等謬塵卿佐預典戎機自揣凡庸惟覆餗之是懼仰承德教肆授粲之有光何幸得侍清光庶幾少申積悃願乘休沐之暇敢稱燕喜之觴躬操几杖以相從伏冀門墻之麾納

世司馬坊上梁文

伏以邦政世司式纘部曹之選風聲載樹用增
宅里之光棣萼早覩重芳奕葉還誇繼美西華
主人素甘澹朴謬廁登庸退處江湖者六年寤
寐英賢于千載頃緣公車之促乃膺夏省之除
武庫分符先大夫芳猷未泯職方接武台小子
綿質奚堪漫謂胸富甲兵自許家傳詩禮游沐
聖天子休命遂有世司馬徽稱仰藉臺司爰崇
綽楔畫棟輝騰於華蓋璇題光映於墨池海岳
之靈攸鍾爭占人傑棠棣之室不遠可式吾閭

半山藏稿

卷十九

八

世美竊比丁公傳芳庶幾王氏龍翔豹變式瞻
闕閱之榮鳳翥鸞迴快覩文明之象鴻名昭于
題柱偉頌侈於升梁 梁之東華山秀聳碧霄
中百尺靈光烟文筆詞人鋒焰吐長虹 梁之
西紫芝瑞鹿五雲齊莫道仙人能跨鶴登雲自
信有天梯 梁之南三溪水合會澄潭中有魚
龍需變化爭看頭角已珍珍 梁之北萬頃長
江天一色龜呈鯨掣不揚波夷貢梯航通上國
梁之上斗極離離涵萬象九山環列應璿杓

降甫生申增色相 梁之下百尺長松遶吾舍
右軍池上墨花飛自有奇文擅高價 伏願上
梁之後民風日美文運天開比屋多絃誦之聲
四境樂循良之化幼而學壯而行有光前哲先
吾憂後吾樂無負明時載續鄒魯之稱永贊唐
虞之治

重建海上鍾秀坊上梁文

伏以龍翔虎變際百年禮樂之期嶽峙川迴啓
一方文明之運縉紳胥慶文獻斯徵西華主人

半山藏稿

卷十九

九

夙承家學世受國恩偶賦歸來非無心於用世
緬懷尚友竊有志於尊鄉惟東甌故有小鄒魯
之稱而吾鄉獨據大羅山之勝扶輿孕秀已洩
於人文桑梓連陰爰多乎士族提封幾三十里
比屋崇道德之風開國踰二百年諸科極賢良
之選雲垂華蓋占嶽降之開先沙漲海壇驗謠
言之不爽芙蓉發瑞早掇倫魁棣萼重芳爭傳
世美鴻名昭揭於孔道休聲播頌於當年顧今
柱石徒存須信江山有待迺稽衆議再飭新規

獨任經營敢煩里旅兼脩並錄用示同野之亨
博訪旁蒐并見泰茅之吉豈惟侈邦家之盛典
抑亦爲鄉曲之美談孝子慈孫式快於瞻仰征
夫行旅且便於居停合庶姓之歡心成一鄉之
勝事試看吉日升梁定兆他年題柱 梁之東
盪漾滄溟瑞霽紅三月禹門桃浪暖一聲雷動
躍神龍 梁之西海國村村綠蔭齊丹桂飄香
來月窟倚看畫棟續新題 梁之南茅嶺盤雲
擁旆驂已慶英賢方彙進不妨樗散卧江潭

半山藏稿 卷十九

十一

梁之北五雲深處開皇極江湖魏闕本同情正
喜明良咸一德 梁之上羣山截莫羅屏幃因
依榆柳自成村可信民風還揖讓 梁之下一
望盈疇多美稼家家耕讀足生涯擊壤行歌樂
王化 伏願上梁之後文教聿興士風丕振地
靈益鍾夫人傑幼學不負乎壯行行東甌道學
淵源無忝先哲建明時經綸事業載贊中興海
甸無烽火之虞士民有室家之慶式增榮于宅
里永作鎮於江山

兄弟進士坊上梁文

伏以天朝接武聯叨甲第之華宅里彰賢快覩
文明之象慶昭世美事擴前稱主人夙承家學
荐沐國恩幸廁明揚嘗與聞乎禮樂勉懷忠孝
竊恐愧於科名粵甌邦自屬 明興惟兄弟未
聞同第名齊雙鳳早傳伯仲之榮美濟二郎偶
忝甲科之選鄉人侈爲盛事當道錫以羨賞遂
揭新題爰崇偉構畫棟奪斗山之秀雕甍潤蜃
海之靈風聲樹於通衢繪彩連乎名鎮乏三蘇

半山藏稿下卷十九

十二

之英譽顧籍表章匪二宋之巍科徒雄瞻望棣
萼芳重於奕世柱石勝甲于一鄉式舉虹梁忽
臨牙纛試唱兒郎之偉用諧里巷之歡 梁之

東華葢陰團五粒松中有靈光明徹夜天衢應
與紫霄通 梁之西翠擁暘湖竹樹齊占得漁

磯真絕勝何須更問武陵溪 梁之南巽吉峰

高染碧嵐文筆築來增氣槩硯池波影淨拖藍
梁之北日浴甌江流五色鯨鯢掣盡不揚波

四境絃歌真樂國 梁之上斗墟瑞氣如龍狀

星文正應海壇沙莫訝童謠歌出相 梁之下
鈴閣春風政多暇年來民俗已還淳擊壤熙熙
樂王化 伏願上梁之後民生咸泰文運維新
仁賢軼古循良英俊爭魁科甲居鄉鎮雅俗多
崇禮樂詩書濟世待真儒可作鹽梅霖雨橋梓
繩芳於聖曆鳳麟薦瑞於昌期喜乾淳鄒魯同
風爲甌越江山出色

重建漢東甌王廟上梁文

伏以聖人神道設教緣順民情國家享祀報功

半山藏稿

卷十九

十二

載在令甲故立廟垂文於萃渙而置社會賽于
春秋惟王胄本神明功存保障啓徽封於炎漢
膺秩典於天朝功德懋著此鄉廟享非專一處
附郭者頃就傾圮吾仲氏已任作新若祖鄉尤
切瞻依予茲役豈容或後迺命兒曹經度不煩
里旅鳩工緣故址而拓新規踞離明而成壯觀
江山有同帶礪香火上薄雲霄棟宇宏新崇百
年之勝果春秋美報萃四境之歡心不踰時而
告成意神功之默相爰升梁而喝采期笑口以

同開 梁之東禹跡茫茫瀚海空奕葉神孫能
纘緒只今甌越有提封 梁之西天作高山莫
與齊玉宇宏開來爽氣野橋分渡有雙溪 梁
之南天馬峰高擁翠嵐頻歲風烟多報熄三春
民業樂耕蠶 梁之北江城雄峙當辰極一方
形勢已全收百年保護憑神力 梁之上端冕
垂旒肅遺像氤氳香靄焰金猊化作祥雲霄蕩
漾 梁之下樂歲鄉村通八蜡婆娑醉舞扣盤
歌爭道神庥宜賽謝 伏願上梁之後萬彙增
半山藏稿天卷十九

七

榮百靈效順禮樂興而人文炳蔚繇役復而民
力普存囿兆姓於春臺玉燭之中保四封有金
城湯池之固讓耕讓畔里有仁風多黍多魚人
歌樂歲地靈鍾于人傑福極錫于生民世世焚
修共仰威靈有赫時時報賽永綏吉劭無疆

宗祠重建門廊上梁文

伏以禮祀肇稱蚤覩翬飛之美堂構弗任重詒
燕翼之懷肆禮門乃出入共由而環廡爲燕饗
攸集不新墜緒曷稱榮觀主人詩禮傳家江湖

閱世名通朝籍嘗寄興於閒居帑有俸餘每不
忘乎義舉維先公志存合族酌古典義起宗祠
寢成孔安聿見瞻依之肅享祀不忒尤嚴訓誠
之條屢經寇燹以無虞允賴宗公之有慶適垣
堡鼎新之際屬門廊革舊之期繫締造出自先
猷而營葺有待今日乃勤議畧載整帡幪俎豆
增光固有關於庶姓祖宗積慶念已萃於一門
用是輒捐已貲不煩族黨鳩羣工方爲經始不
踰月卽覩落成橋引雙虹覺塵囂之遠隔門羅
半山藏稿卷十九

百雉喜拱護之森嚴制雖仍舊以爲新地則鍾
靈而踞勝雲標閱對羅嶠以崢嶸日轉廊廡
接甌江而掩映惟知奉先之當誌敢謂亢宗之
有人式舉虹梁共申燕賀聽余祝頌諭爾工師

梁之東喬木門墻綠蔭叢但冀仁風行里閭
敢誇甲第冠甌東 梁之西羣峰屏列與雲齊
桂闕高秋香萬斛天風吹送野橋西 梁之南
四野芳菲雨露覃莫訝上林花信早春風一日
到江南 梁之北瑞日祥雲天五色衣冠世沐

鳳池恩永夜瞻辰惟拱北 梁之上奎壁光搖
河漢養吾宗文運屬方昌閒情好寄滄洲上
梁之下雉堞環江真若畫願宏式廓庇蒼生端
居豈遂忘天下 伏願上梁之後宗祊協慶海
宇安瀾民戢干戈以事農士富詩書而學道講
信脩睦風聲樹乎一鄉崇德報功仁孝孚于九
族益衍箕裘之澤茂增俎豆之光永庇前休同
綏後祿

上川祖祠上梁文

半山藏稿卷十九

十五

伏以居第傳子孫念勤桑梓營室先宗廟禮重
蘋蘩矧保障已樹一方而禮祀宜崇百世迺新
偉構用妥先靈主人學紹家聞慶承世積甲第
重芳于伯仲祥源濬發于高曾橋翁宏貽燕之
猷花封貶秩厓考歷司馬之選薇省辭榮德厚
表於茲鄉休光垂於沒世橫塘卜築堪輿家物
色攸歸舊第專祠先君子孝思維篤頃緣夷警
移就郡廬雖俎豆暫托墨池而根本不忘英里
相堡隅爰除吉壤課兒曹特創新規左海右山

已宅中而撫勝前堂後寢式萃渙以居歆將羣子弟誦習其中賴吾祖考照臨於上奉

天子錫命于茲對揚念大夫繼宗於焉世守恩徽光于先德孝敬示乎後昆喜堂構之維新幸明禋之弗替試唱兒郎之偉用諧宗鄙之歡

梁之東新築沙堤宛若虹槐蔭滿庭芳翠積懸知培植自先公 梁之西羣山聳秀映新題簫舞洋洋歌祖德大平聲頌續鳧鷖 梁之南雙

溪水滙淨浮藍源濬流長鍾慶澤漫誇壽富與

半山藏稿

卷十九

十六

多男 梁之北海市年來價不飾楚茨良耜已同風隴上躬耕供黍稷 梁之上新宮奕奕昭

靈貺累朝恩命賁幽明虎拜嵩呼時北向 梁

之下脫却名纒自閒暇尊鄉收族籍前休莫道

兒孫竈能跨 伏願上梁之後泰運天長家聲

日振勿以富貴福澤之厚益崇敬讓孝謹之風

服休采不愧科名處華腴知畏門第念本支由

於一脉愛廣同仁期夙夜無忝所生行求作則

積善有餘慶爭傳五桂奇芳明德多達人世衍

三槐休澤親親長永保宗盟子子孫孫茂綏
後祿

侄中新宅上梁文

伏以雉堞崇環已樹一方屏翰菟裘載構用貽
百世帡幪慰宗黨之具瞻信江山之有待主人
業紹箕裘才同樗櫟雖嘗邊歷中外不忘寤寐
林泉慕河上玄澹之風存柱下止足之戒遺榮
招隱與芻蕘而爲徒親族善鄰本孝友以爲政
念祖宗根本之地未敢中捐肆江村兵燹之餘

半山藏稿

卷十九

十七

宜究安宅矧建祠收族已裕乎先猷而幹蠱承
家當返乎初服彼靖節徙居栗里猶歸憩于上
京而六一託寓穎昌終繫懷於吉郡蓋君子不
遺其舊而人情樂所自生用尋松竹之盟載結
枌榆之社因故墟幸逢吉壤諏大卜適獲良辰
爰議略以鳩工遂開荒而考室碧山屏擁若爲
門第增高滄海帶縈更見川流會秀地靈載啓
世澤攸鍾惟花萼相輝克篤友于之慶故竹松
苞茂共成貽厥之謀率作付之兒曹不愆素計

經營裁於臆斷罔溢前規漫擬江左世家誰識
急流人物向陽堂室偏宜蔡性攸傾近水樓臺
時聽菱歌遙遞門庭跬步堪有事於西疇簪紱
累朝敢忘情於北闕桑梓於焉可息花柳更爾
無私其水其丘指童年釣游之所一觴一詠開
耆英會聚之堂四鄰聞喜以咸來六偉齊聲而
贊頌 梁之東海國風烟列島通最喜年來烽
堠熄郊居無事好明農 梁之西大羅縹緲與
雲齊萬壘龍神從此駐平原分界有雙溪 梁
半山藏稿 卷十九 六

之南天馬峰高染碧嵐漫詫公侯堪立致山人
奕世早抽簪 梁之北黃石峰頭雲五色江湖

新起望宸樓不用乘槎探消息 梁之上此心

本是天來樣要令天下總歸仁豈但一方資保

障 梁之下霖雨歡聲騰四野一川秋水已增

深魚龍變化應相訝 伏願上梁之後海宇永

清歲時常稔族屬率趨於好禮里名不愧於携

仁國課早完罕覩催科之隸賢書彙薦時來報

捷之伴富貴祿澤厚吾生禮樂詩書敦世訓熊

罷夢叶內庭早應先禎鷄犬聲聞外戶可以不
閉坐鎮雅俗益顯文明

堡中左宅上梁文

伏以聚宗收族已宏保障之圖燕子詒孫載理
堂構之緒聯第漫方森桂卜居竊擬浣花固將
樂吾自生亦以卜云其吉主人志希先哲慶席
前休經綸愧於科名箕裘托於詩禮際 聖明
雖嘗過歷中外甘迂鈍蚤已退處山林念桑梓
之地可依而垣墉之險攸設遂肇菟裘之構爰

半山藏稿

卷十九

九

爲胤祚之謀顧蘭玉日繁闔門豈能共爨而棠
棣具邇跬步何異同居乃於上川之原載闢左
方之室門迎巽水流長碧合胎源堂倚庚山秀
聳金居兌位風氣于焉萃止宗邨得以永親方
寸地期留後人千萬間奚羨廣廈緬懷李愬戒
諸子侈其門閭妄意于公令他日可容車馬未
論急流人物聊結洛社耆英從茲避燥濕暑寒
惟其塗墍茨丹腹暫延梓匠試爲題柱之謠且
逐兒童共和繞梁之韻 梁之東浩蕩江河入

望中源引溪橋流滾滾發祥濬美果誰功 梁
之西羣山展處瀉雙溪淘盡碧沙通壑口扁舟
還恐武陵迷 梁之南雲連天柱迴浮嵐傳說
當年謝康樂題詩勒壁此停驂 梁之北黃石
峰陰連野色春來處處試新耕我亦明農歌帝
力 梁之上歲星海上光搖漾東甌正應太平
占願決天河洗腥瘴 梁之下緹帙牙籤高插
架但將詩禮課兒孫何用徵書來勸駕 伏願
上梁之後人顯地靈家宜天福誦聖謨祇崇孝

半山藏稿

卷十九

二十

弟法祖德知畏宴安甲第冠一方行應巽峰之
秀魚鹽安萬竈喜除里法之繁恩徽游賁於丘
園禮讓式先於族黨某山某水樂吾釣游若子
若孫華其似續惟茲世美之宅允符永昌之稱
請建卓公祠呈

爲表忠貞以崇祀典事伏見戶部侍郎卓公敬
原籍温州府瑞安縣人登洪武戊辰科二甲進
士第一純孝格天貞忠貫日當靖難革命之際
成慷慨捐軀之仁不負其君見許於

文廟尚論厥世私祀于茲鄉然以沒官民房而寓其妥侑揆之百年廟貌豈稱于褒崇頃奉

恩詔於南都建祠列祀羣忠而公已叨殊典之錫茲奉學政凡民間節義槩許呈舉則公復慶斯文之逢伏稽太常寺卿黃公子澄竄籍崑山文學博士方公孝孺發跡寧海緣有司祇承新詔於所居各樹專祠若東嘉爲侍郎降神之邦矧今日當朝命褒揚之會顧今遺祠猶仍乎湫隘夫乃彝典有曠於遐方某等幸際昌辰用申

半山藏稿

卷十九

二十七

義舉倘蒙明臺軫念特屬有司施行另擇名區重新偉構或崇綽楔而表其榮觀仍加制辭而同於華袞豈惟慰忠魂於百世抑亦作士氣於一方

請建吳吉華蓋二山塔呈

竊聞爲高必因乎丘陵選勝宜稽夫圖牒故華表捍門居水口地經有言層臺累榭基山巔騷人播咏匪徒游觀是取實乃形勝攸關粵稽甌越建邦上應女牛分野跨九斗以成垣局迎三

溪而面離明吳吉霞舉以建標華蓋雲翔而拱
極當二山高處各樹浮屠在兩學看來真成文
筆旣增崇高之勢式表休明之徵爰啓地靈聿
昌文運在趙宋倡明理學遂有小鄒魯之稱入
國朝益盛儒紳不乏魁甲科之選民風碩厚物
產滋豐歷千載以標靈繫一方之仰止迨于正
德末造肆及嘉靖初年屢值颶風之勃興遂倡
浮議而撤毀由是山川隱秀民士失瞻富庶之
風旣差殊于往昔科名之捷亦寥濶于今茲物
半山藏稿 卷十九

三

理乘除雖曰適然之數天星列應厥有相感之
機况兩峰在東南與府治縣治遙參於几席之
間而二塔居震巽屬斗柄斗魁並騫於霄漢之
表允矣昭地方壯觀復之真儒林美談工費孔
多固期資於廣衆經營伊始竊有賴夫威靈適
際戟之載臨信江山之有待舉羸於時詘之際
似屬非宜醮役於衆志之同想應易集僭陳末
議仰候鈞裁倘蒙俯賜施行實爲不朽盛事

重修資福寺募緣疏

鹿城據五邑之會素號名區華蓋占九斗之魁
上叅列宿維茲洞天福地妙在城郭山林修真
者曾此成功望氣者因之稱盛春秋香火祝國
祚於靈長早暮烟霞供士民之眺覽仙翁肇通
真之榜宸翰更資福之名火于延祐之初復于
永樂之際江山仍舊歲月如流法宇傾頽寶姿
陳昧芳逕草生而幾迷雙樹香林塵積而誰演
三車象教當興鷺車聿至亭謝公之遺址弔靈
素之遐踪爰命僧徒重新規制仰威靈之普照
何幸遭逢顧經費之浩繁莫知注措雖云佛力
允賴人謀特叩檀那恭求印可伏願洞視三歸
恢弘六度念施捨卽爲勢至修功德只在多羅
乘此甘露慈雲除彼慳風愜雨開慧花於大地
結善果於心田福緣不滅作雲仍百世之祥姓
氏流傳出江山萬古之色

重修仙巖寺募緣疏

天下名山多爲仙釋所據人間福地每因聖哲
斯彰故岱嶽孔登香火四方奔走而武夷朱憩

金碧九曲輝煌地以人靈釋緣儒顯維仙巖佳
勝實跨兩邑方輿肆寶刹莊嚴欽荷累朝制勅
廿六福地曾具列于圖經第一溪山載標題于
往哲菴傳伏虎壇守淵雷潭透卧龍瀑分梅雨
石圻三皇聖井門標七級珠輪翰蹟流輝想考
亭之過化書臺嵌壁識止齋之藏脩賢聲增重
於禪林壯觀屢新乎法界百年興廢顧厄運之
今逢三教流傳幸福緣之不滅江山有待草木
回光問俗巡行數枉謝公之屐登高感慨時揮
半山藏稿卷十九
太白之毫禮白雲于上方灑清風於下界嘉惠
名賢俎豆兼整大地山河四大歸安默相雖關
於佛力諸天徼福作興允賴於賢侯念大厦構
成非徒資於一木而鈞天廣奏必有藉夫衆音
惟羣力之普存斯宏圖之克就所願十方檀越
各念四果多羅聿新功德之場用佐山川之勝
千金布鹿野苑現證修行七寶等恒河沙何當
笑擲能修不謬之果豈曰有漏之因匪惟金石
流光抑亦鬼神饗德

重建寶嚴寺募緣疏

諸天偉構恒倚託於名山三教並垂實優容於
聖世肆廣劫輪迴有數而叢林興廢無常不仗
福緣曷新墜緒維茲寶嚴禪寺肇自趙宋祥符
脩于 皇明弘治天開寶宇爲清衆之皈依地
湧金沙緣嘉名之寵錫柰何星移物換不免棟
撓楹傾雖佛性炯爾長存而神通於何出現龍
象筵空而法輪不轉菩提樹老而佛日無輝幸
遇名緇載恢法界抑托大家氣力式瞻般若靈
光念味觸色香一身俱妄而火風地水四大皆
空援金剛劔剖開性地荒榛持摩泥沙照見心
源濁水宇宙事皆分內事今世因卽前世因長
壽佛從心上修盡除煩惱無礙財爲身外物何
悵布施肯發一念慈悲頓教諸緣解脫如來藏
所祈積少成多梵王宮佇見鼎新革舊是在檀
越亟相衛城式增大地靈光豈曰人天小果

半山藏稿卷之二十

永嘉王叔果育德著

條議事宜

與當道條議鹽法

本府五縣有五場歲辦折色鹽銀輸解官司
國初優恤竈戶官給牢盤草蕩免其雜泛差徭
但今煎辦設鹽課司督之收貯於倉商人賫引
照付其法本善自引法旣壞弘治初稍變令本
色折色相半今則盡輸以折色舊法湮廢奸弊
垂永久之便在乎叅究利弊而酌議之也

半山藏稿

卷二十

一

一議私鹽之禁温郡僻處一隅商鹽僅行於衢
栝本府五縣官引住買水程多所不注夫產鹽
祇瀕海本鄉官鹽旣不行于境內則隅廂各鄉
民間之食私鹽乃勢所必至據法厲禁適爲捕
夫毆利耳前院議行小票以補官引之不及每
票照鹽一百斤納銀二分限以五日赴縣銷繳
法似易便然鄉間小民苦于伺候久之恐成額

辦又貽積累故一行卽止小票旣不可行運司於商引水程因量注本地但商鹽多灰難售常報鹽鋪戶掙賣彼納引錢無幾而取償於民者爲利數倍其害甚烈故近日商鹽罕注境內而私鹽不能禁止矣然私鹽之行不獨竈戶商人就場裝鹽運堆城外多稱引鹽及至驗掣其夾帶脫賣者前已無筭孰從詰問耶鹽捕夫每一名數人朋充星散四出山溪遠鄉非捕夫之鹽莫及蓋彼每以買月報鹽爲名巨船裝載任意所至莫敢誰何故近來私鹽皆捕夫自賣矣如寬弛鹽禁不問民竈遠近人戶使皆得到場鬻買則鹽之爲利將與百物均此於竈家實分其利於商鹽絕無妨碍也

一議捕夫之役夫設捕夫以防私鹽以濟官鹽也竈氓之肩挑背負者法所不禁今捕夫與販徒黨而爲奸每月有過關錢任其載運而貧竈之負擔者則剽而奪之鄉村山谷布散巡攔甚至假搜捕之名虐及子女不惟利其有而且逮

其人及至官司無所控訴悉以私鹽抵罪矣法例私鹽之禁祇防出境無使商鹽壅滯也本郡附郭河鄉原屬境內卽許私鹽鬻買亦無背立法初意若捕夫之設但量存若干人於青田交界處巡緝有私鹽出境者獲論罪求於商鹽無碍可也

一議額解之數永嘉鹽銀除折色銀一千四百三十七兩三分坐縣於里甲派徵永嘉場所解本色折銀一千二百六十一兩二錢三分乃歲

需常課也若禁捕私鹽府縣亦以月報徒犯爲故常不可去者今查府一月限獲鹽九千八百斤船若干隻縣一月限獲鹽四千八百斤船若干隻中界山巡檢司一季限獲鹽八千四百斤温州衛一季限獲鹽三千五百斤寧村所一季限獲鹽六百斤限鹽通共二十二萬五千二百斤鹽價每百斤定銀一錢五分船共一百隻船價每隻約銀五錢鹽船兩項共銀約三百八十餘兩捕夫充役者府二十名縣十名工食銀三百

一十八兩六錢如總計鹽價船價徒價若干除捕夫工食銀若干抵數不足外坐竈戶措辦完數於公私益兩便也

一議竈鹽之直竈戶貧苦徒以瀕海枯沙責輸數千之貢已爲不堪如今措補額解之數恐難處辦各場賣鹽舊設鹽坵數區佻人幾人今擬查復令場官僉人管埏或於竈戶賣鹽時比時價量加分毫略做關津抽稅之例微取報輸以足限鹽徒價前數議處便宜似亦不爲費

擾也

半山藏稿卷二十

四

一議倉鹽之累官倉存積獲鹽及月報鹽率出捕夫輕價所買灰多滷少府縣例名富民領賣汚積旣久食用不堪往往多至賠償夫商鹽之行民有鋪戶掙賣之害私鹽之捕民有大戶領賣之累如試弛鹽禁通變宜民但求不缺額解之數無妨商引之鹽庶於民竈兩便也

與當道議漁稅

永嘉之民家于沿海者置船捕魚輸辦漁課故無船稅也嘉靖戊午以來倭寇猖獗兵船缺少

前兵道凌公令凡魚船二十隻內抽一船調哨
餘船量科銀數錢幫貼尋哨除泰順區尹奉委
查船編號僉立號長著例凡尖船一納稅銀八
錢艤艫一納稅銀五錢四十二年本府薛節推
奉委量船凡尖船一加稅銀二兩二錢中雙桅
一加稅銀二兩四錢內經遭風被倭者一不審
豁船戶率稱困矣隆慶六年泰順王尹奉委點
船憫困申減凡中雙桅稅銀二兩單桅稅銀一
兩尖船稅銀九錢四分艤艫稅銀五錢萬曆四
半山藏稿六卷二十

年委官查點不分飄風被倭及實在大小船槩
申報中雙桅加稅銀二兩八錢單桅加稅銀一
兩六錢八分尖船加稅銀一兩一錢二分艤艫
加稅銀七錢給票追徵前船往洋山捕魚寧波
住賣彼處又照本縣號票責納魚稅鹽稅艱難
情狀有司所明知也但其意在逢迎拘泥故常
號長總甲以及吏胥諸人恣意科歛索詐行私
有船者初止數錢今倍數兩無船者前名在冊
虛稅不除夫瀕海居民無田可耕以漁爲業每

人下船船戶付僱身銀七錢斷寫亡命交約往
往遭風覆溺死葬魚腹被倭殺擄身膏寇鋒生
還者十僅四五公私償費之外所得幾何死亡
者家屬招魂哀怨哭泣之聲接于江壤此輩豈
皆見利忘害甘於蹈死者哉第以所置魚船業
已報名在官欲行變賣則船與稅俱誰肯承受
欲行拆卸則稅額掛冊莫與蠲除况船卽不發
稅已先追不得已揭債冒險仍往捕魚冀獲微
息以完官稅其飄失船隻有能控告者官司將

伊稅銀分攤見在之船以足故額不能控告者
照舊納稅年復一年甚至鬻賣妻子流離逃亾
其困苦殆不勝言也彼漁船科稅充餉不過以
其徼取江海微利爾今海上塗田水沙動計千
萬厚利輕糧多爲勢豪所據雖經官司清理尚
從通融獨於貧民魚船盡法苛徵似豈蕩平之
政耶下情痼抑不能上達伏惟仁明庇覆萬困
待甦不佞目覩前艱僭爲申請所存船隻新固
者願入官召賣舊損者願當官拆卸前項稅銀

乞賜除豁別議充餉庶有司催科不擾而海氓更生可望矣越分溷干不任惶悚船戶蔡子孝韓皆親等投告狀詞并乞施行幸甚

荆西賑饑事宜

湖廣布政使司分守荆西道右叅議王 爲賑凶歲以全民命事據德安府呈稱應山等縣連年水旱民庶流離差賦繁重夫馬疲困謹將備荒緩征濟衝弭盜崇儉寬債條爲五事通詳乞示以憑遵奉施行等因到道爲照德安府屬縣

半山藏稿

卷三十一

七

年成屢荒公私匱乏流殍載塗及今不爲賑濟來春饑民益無所望除緩征濟衝候二院詳允其弭盜崇儉寬債聽各府州縣從宜舉行查得備荒一節該府欲就富民勸借銀兩糴米煮粥竊恐處置或乖反爲地方擾害合無動支本道贓罰仍措置公銀以備來春賑饑之需仰候呈詳允日行令該府縣着實舉行本道更當親臨調度庶幾仰副 朝廷之德意全活一方之遺黎也後開賑饑事宜通示知悉

一周禮荒政十有二以散利爲首今荆西屬縣連年饑歉倉廩空虛誠無可散之財惟各有司軫念民艱將除本道贓罰盡數動支外宜設法區處賑濟地方富民勸借必滋騷擾州縣官須出示張掛諭之以卹鄰開之以積福隨其所輸銀粟多寡量行酬獎或迎送尚義牌扁或申請上司給以冠帶榮身仍優免差役庶幾有願從者

一昔賢論救荒無奇策而以施粥爲下然施粥

半山藏稿

卷二

八

在荒歲最爲切要蓋有米四合可作粥四碗一人逐日得此儘可度活以百人計之每日用米四斗每月該米十二石每米一石計銀八錢用銀九兩六錢可備一月煮粥以供百人以三月爲率用銀二十八兩八錢有銀二百八十八兩即可全活千人本道贓罰卽少當捐俸相資以濟活千人爲期州縣所處亦可槩計若以銀糴穀分散則所及有限不如施粥之適均而普濟也

一各縣先期備訪所屬致仕鄉宦及舉人監生
耆老醫卜平日爲人所信服者開具姓名呈上
當道以司恤名之仍延至公堂待以優禮俾其
量領官錢官粟各就所在隨宜散賑事完之日
具數來報奉行得宜者從重獎勵有作弊者論
以官法

一司恤令其徧查坊郭鄉村貧民分爲二等籍
其名于簿次貧者量給銀穀賑濟極貧者煮粥
飼之通屬司恤領其事

半山藏稿

卷二十

九

一極貧者通計若干名分屬司恤照依地方便
及力量大小或百名或五六十名或三四十名
仍各給與小票以備就食時查驗如分屬趙甲
者不許越至錢乙處司恤預擇坊村寺觀及公
私室屋各隨方便以表插之聽給官粟煮粥依
法散給

一散粥每人日與二餐每餐粥二甌每日辰刻
號召各貧民會集一處令就地坐定不許走儻
然後挨次分粥通候食畢乃起申刻再散亦如

之

一荒歲人家子女稍長者出賣與女孩幼者多至拋棄甚可憐憫嘗聞任丘鄭尹榮仁收取在官擇里長分領撫育而資以穀粟立簿記錄名數每月朔望仍令抱至縣堂驗視收成之日名其父母領去鄭在任丘多惠政此舉人尤德貴

一賑濟之法固在委任得人給領無冒而尤貴於神速庶免守候奔走之苦嘗聞聶雙江公知上海時會放饑民稻子以銀代之查照丁冊已

半山藏稿

卷三

十一

定然後度量地方遠近某地方某日放皆先一日出給告示度某日早晨到縣未落歇家本官卽帶里老及掌事者出至通衢諭令各饑民兩旁坐定一鳴鼓卽將銀包以次分遞散過者呼之起去計一日可散數千人其與銀時間取一二包親秤以防抵換短少之弊此可傳爲散銀者之式若放穀米亦在多爲斗斛多委人負做而行之可也

一各縣人民聞多流徙就食且無牛種種麥者

必少在官須爲處置或號召勤動之家資以工本不論某人田土凡拋荒者使其及時槩種二麥以備續食

一施粥事甚難類皆虛名而鮮實惠吾家嘗試行之而知其詳舊有施粥紀事漫錄一通附往其法在各縣雖似難行取其調度防範之意可也

一古今善救荒者皆以富鄭公爲稱首夫鄭公一青州守耳能活河朔五十萬之流民致募爲

半山藏稿

卷三

十二

兵萬計然豈有奇策也哉夫亦立法簡便周悉焉耳蓋蘊隆蟲齮老幼孱弱駢首而同居則蒸爲疾疫而飲食醫藥皆艱矣鄭公勸所部民出粟益以官廩使之散入村落村坊釋寺及公私房屋各隨所宜居之以便薪水此其簡便周悉者一也其二官吏自前資待缺寄居者皆賦以祿使卽民所聚選老弱病瘠者廩之仍書其勞約他日爲奏請受賞率五日持酒肉慰籍出於至誠以此人人爲之盡力丘文莊公謂任其事

者不必見任之官散之民者不必在官之粟蓋
有見於斯也按青州流民數十萬鄭公猶能處
置各得其所今聞該縣之民多流移外境其存
者應有數矣欲調給之似不難予前所陳者已
竊取其意更在奉行者本之以至誠勤之以鼓
舞使所稱舉所勸諭之人皆傾信感動而樂於
從事庶幾其有濟爾

半山藏稿

卷二

半山藏稿卷之二十一

王憲使傳

南新市人年家子李維楨誤

憲使王公叔果字育德浙永嘉人也其先瑯琊人晉居山陰唐徙黃巖宋徙永嘉六傳爲通政鉦生澈累官左叅議年四十餘甫生公公有異質七歲能爲耦語儀度屹如成人初受詩已從父官京師師盧翰林受禮經徐文貞公試第一補郡諸生薦于鄉上春官罷歸與弟叅政陽德及族子講業山中生徒群集一以公爲師叅議

半山藏稿附錄六傳

一 三言九

張鈞

公建宗祠輯世譜公佐其筴因著王氏宗約施行至今已入南雍程文恭爲祭酒歐陽文莊爲太常公游其門稱高第弟子旣成進士上書省父父尋卒服除久之始授職方主事督西內工賜金綺三年又以使事歸展墓島寇寇温州族弟僉事公死焉公喟然曰吾宗家海濱先人有餘貲願治堡以完宗人施及鄉井請于朝遷中界山巡檢司防堡報可仲公輟偕計爲植堡成寇環睨無如之何也又三年以職方員外郎爲

會試同考官進士十九人多爲名公卿已遷郎中視師薊鎮疏諸材官功罪裁昌平提督皆如議大司馬楊襄毅屬脩京營志已進武選郎中脩武選條例著爲令凡選覈功次所由不失黍絜左右莫窺其隙有以寶玉介五百金行賂者斥之襄毅倚重焉兩京督府勲臣若執金吾若諸方鎮總帥惟公所黜錄人不敢干以私分宜相故與父同官稱通家公無所造請滿兩考出爲湖廣叅議分部承天德安兩府承天

六傳

三一
三十七

王表刊

肅皇潛邸中貴人留守權出文吏上德安

景恭王封國王邸人虎而冠公以嚴見憚省郢梁岐諸王園陵費數千金歲饑捐俸及贖餒食流民全活無筭初監司以上謁辭

顯陵無虛日郵傳煩費公援中都兩京

祖陵例爲限制官不廢業民不病供卒用其言踰年遷廣東按察副使乞休不得督臣疏宜改學憲而公遂歸矣杜門不交外事徧治其家祠先隴族有爭聽于宗不混有司設義塾訓羣子

弟置田以給孤嫠若貧不能葬者旁逮姻鄰脩
學宮築堤捍海爲石門時蓄洩置義冢歲所掩
骼萬計有司嚴重公或就問民疾苦若脩海塘
復里役減漁稅從吏行之初治堡斥橫塘故居
於外尋徙郡墨池已作室堡中居曰先世祠墓
在弗忍違也蚤歲讀書半山稍闢亭臺游詠其
間蔬食布衣終身無媵侍不習握筭不問家人
生產而惟嗜書至老諷誦如諸生與子弟相論
難有會心者筆記之輯紫陽晚年與象山論合
者爲錄明其非禪又言王文成指心之良知爲
聖欲學者惺惺不昧以通乎晝夜而知紫陽象
山推尊性善求放心之說性善故知良不放心
故惺惺不昧其致一也泰和胡直大名申旆麻
城耿定向歸善李鵬舉咸建其言其學先識本
體而主勿自欺以惇倫躬行爲實際毋潘恭人
卒京師輿歸哭踊足爲腓喪父亦如之每時祭
及上冢悲號如始喪感動觀者爲之流涕事仲
公友愛特至公不邇聲色而仲公時盛絲竹延

客夜飲公一觴一詠兩人意各自得也貌不勝衣而神王讀書暇焚香默坐年七十有三感脾疾越旬日語諸子曰人生夢也予幾醒矣問以安否不答惟曰願天生賢者呼家人具粥粥已就枕鼾若熟寐迫視之瞑矣

論曰余爲諸生時及見公公癯而短視即之息若在踵扣之如洪鐘嘗行縣禽治縣胥史爲奸利若市魁盜藪武斷鄉曲者一邑肅然是時海內方崇尚講學純盜虛名耳惟公見諸行事深

傳

四

三十三

王忠刊

切著明登第四十年立朝財八歲所至見思鄉人尸祝俎豆之嘗書座右曰拙於用世將以施之家厚於望人莫若求諸已又曰爲天下惜財不必藏於已爲天下任事無寧迂其身信然哉公子光蘊尹寧都一介不取諸人有乾沒藏金株累吏民歲且久出橐中裝結竟其事不忝爲公子矣

傳

明中憲大夫廣東提刑按察司副使西華王公
墓誌銘

永嘉故多賢士大夫然無有如王氏若中丞
之爲惠而給事之爲節故自足煥煥而王氏
之賢而著者則毋如西華公父子兄弟西華
公之父東厓公澈有帷幄密勿勳敷歷中外
晚而好行其德於鄉且備享人間之樂以終
公於成進士不爲晚爲郎縉雲叅名藩不爲
拙甫染指而去之超然物表賜谷公叔杲始

墓誌銘

一

三百九十三

從容出應世以繼公之志於仕宦之日久其
歸亦稍後然皆能自操其出處之衡不爲世
法所繩束而世之望二公若太少二室之對
峙攝其巍峩而猶冀其蒸雲雨而二公者屹
乎莫之應也今年三月公以壽考終其子鄉
進士光蘊等卜以明年十二月葬於石壇山
之原而戒書幣以狀請曰唯先生素知吾父
敢以志銘請賜谷公亦寓書曰唯先生之知
吾兄以不穀故敢申請賜谷公故嘗以大叅

飭治吳中軍事余得朝夕焉而用以悉公者也公諱叔果字育德其先世瑯琊余與同始至晉而徙山陰唐有大理少卿從德者轉徙黃巖及宋有惠者復徙永嘉遂爲永嘉人凡七傳而爲封通政公鉦卽公王父也有二子東厓公仕至福建布政使司左叅議而仲子激至國子祭酒其通政封則以祭酒貴云東厓公娶潘恭人年四十餘未舉子得異夢始舉卽公公生而英異甫七歲工儷語十三工屬文旣長恂恂如也美鬚眉秀皙體若不勝衣補博士弟子學使者合五郡諸弟子試之擢公第一遂赫然有聲薦鄉書復高等明年罷會試歸讀書山中其學益邃時東厓公方樹先祠輯世譜飭宗法公佐其成而詳爲之說世所傳王氏約者也尋與暘谷公同游南太學時程文恭公文德爲祭酒而歐陽文莊公德爲太常卿皆以講學名一時致公兄弟爲都肄長而稱揚之公以益有聲嘉靖庚戌

成進士時所謂中丞諍者族父同榜同邸舍
日從事時政比詳之業以事歸觀東厓公
稱觴上壽里人豔之亡何東厓公卒哀毀逾
禮既服除棲遲塚舍者又四載而始謁選授
兵部職方主事明年與視西內工有金幣
之錫復以事歸省墓而倭事起族從所謂
給事德者從義兵與角不勝死之族烏獸竄
公與暘谷公謀曰不早爲儲胥將無族矣亟
還朝上書願以家橐爲城堡以捍賊而完其

族報可時暘谷公猶在公車不復詣請與公
捐橐而躬畚鍤之役堡成賊有環睨而已至
今賴之尋遷其司真外郎聘同考會試所得
多名士而大司空王廷瞻少司寇張岳李江
其最著者遂遷郎中出閱視薊鎮兵時諸鎮
旣有帥而昌平復設一總帥臨之名位相頡
頏不能有所控御而煩費夥且不支公疏請
從革所省以萬計有請修戎政志者例以史
官充之大司馬楊襄毅公請以屬公書成進

之曰京營紀改武選郎中武選最爲猥雜號
吏數公至當注選與諸寮精覈而次第之吏
不得有所侮宿弊若洗滿六載旅謁分宜相
相前揖之曰故人子耶蓋爲東厓公有故僚
誼也公卒不私徃以是僅遷湖廣布政使司
右叅議過里上疏乞骸骨不許公所治荆西
爲承天德安二郡承天

世廟故邸也有

先皇之陵在而德安爲

景恭王初封國兩地

誌銘

四

中貴戚畹爭挾重魚肉赤子爲業公一切引
之以禮不聽則裁之以法竟公任相戒無敢
犯者 詔脩興都志俾公具草上太史公旣
上而曰此

獻皇帝紀也如志何屬同年高長史岱以志體
別創而資其楮筆繕寫之費書成郡始有文
獻矣地故有 郢梁岐三絕王墳中貴之守
者歲私其媻修費以千計公悉清裁之應山
災公授煑粥法以啖餓者又爲繕豐樂驛前

後割私帑以贍不煩縣官公念謁陵者麋至
其夫餼皆責之鍾祥歎曰鍾祥之民盡矣爲
請於撫臣俾䟽酌道里遠近如兩京中都以
爲謁陵節數多所減郵驛少息肩而會分宜
相敗吏部以公舊資重甫一載餘擢廣東按
察副使時廣數中倭劫劫兵計大帥吳司馬
以公羸弱恐不任軍旅而重其文䟽請以內
地學政處之吏部知其指覆公歸里聽用公
喜曰司馬知我唯太宰亦知我遂杜門不復

誌銘

五

出部移亟下監司守令勸駕旁午公悉謝絕
之家世奉東厓公遺素饒而公雅不問產聽
子弟息之了不知也日食不能時二簋實以
蔬筍間一咀脯魚乾脯衣僅布素或三泔破
則穢之姬姜粉黛一不以入目過亦如無曰
生不曉名儉寧論奢公府鄉里之謙不恒設
設亦取成禮而已性介慎不妄取予然至義
施亦不廢如飭先祠置外塾廣墓田以教養
宗姓之類公有創而暘谷公成之暘谷公有

創公領而屬其子光蘊成之公居故所城堡
而暘谷公家於郡公之郡則郡歲徵蜡賔而
已暘谷公時時過從公相與談笑寢處無間
十餘年來友于之風藹如也公一切無所嗜
顧獨嗜書無一日不開卷於子史百家下及
稗官黃衣之說靡所不浹第其所專精者六
經理性之學居恒謂儒者類以陸子靜先生
言爲近禪不知其非禪也頗取朱元晦先生
晚年之說而合之其創故自程學士敏政然

志銘

六

其所評析加精深而又以王伯安先生指心
之良知是爲聖欲學者惺惺不昧以通乎晝
夜之道而知若朱陸之稱性善求放心其作
用雖少殊而出於孟氏者則一性善故知良
求放心故自惺惺不昧三君子之單提直入
本非有二端也當是時泰和胡觀察直大名
申考功旒黃安耿御史大夫定向皆論篤君
子頗推公以爲得實際云然公誨光蘊必誠
意盡倫砥行毋徒區區口耳爲也暘谷公治

別墅於陽湖窮極山水之勝其偉麗爲江東冠而公亦於半山故讀書處頗增飭庭宇剔洞壑開陂塘間從子姓游一觴一詠陶然自適而已暘谷公不飲而邀客游必甲夜徵聲奏伎客亦豔稱之兩人意各自得也東厓公開大耋至歿而公猶作孺子慕伏臘享奠悲不自勝旣謝朝事稱不任然至聞一賢者用未嘗不津津見眉宇也一賢者退不賢者進蹙然有憂色矣故少羸然以斷欲久神轉王

談論夙昔不示倦旣感脾疾猶強起具衣冠及欲始就枕謂光蘊兄弟曰夫人生而膠膠擾擾者夢也吾夢且醒矣復何言問體中得勝否不答已而曰願天生賢者自是戒內子毋得挾婦女入謁已呼粥粥至猶能盡一甌已復就枕若寐熟者撼之逝矣公生以正德丙子得年七十有三始公病時宗黨數百人禱於宗祠及卒奔哭於殯里人哭於門皆盡哀娶林安人以德偕老有丈夫子三長光蘊

鄉貢進士次光薦光祿寺大官署署丞次光
普光祿寺良醞署監事孫男十至言至充俱
庠生至齊國子生至章庠生至亮國子生至
奇至褒至充至雍至寧孫女五曾孫男十一
欽典欽昊欽旦欽■欽■欽■欽■欽履欽
■欽鼎欽泰所著有永嘉縣志十卷半山藏
稿二十卷光蘊之狀公行累數千言余不能
盡志志其大者

銘曰不點染于欲不琢雕其朴應世之跡若
風而漣過卽湛然歛其後天以還先天幾不
盡秘乃有文言談道者以爲混沌之贅談秬
者以爲大年之權叩之公公其舍旃

萬曆十六年戊子冬日

資善大夫南京刑部尚書吳郡王世貞撰

先憲使公行狀

先公姓王氏諱叔果字育德邑有西華洞因號西華山人王之先本瑯琊人晉時仕江東者居山陰唐大理少卿公諱從德徙台之黃巖寧溪宋末萬十一府君諱惠由台徙永嘉世居邑之英橋具尚書南渠公諱曠所爲譜四傳樵雲公諱毓工詩文所著有槐陰集樵雲公七子四爲平五公諱珙生時齋公諱封皆隱居不仕時齋公生溪橋公諱鉦以仲子

六行狀

一

祭酒公諱激貴封中憲大夫通政使司右通政有碩德鄉人祀于社溪橋公生東厓公諱澈累官福建布政使司左叅議贈朝議大夫配潘氏封宜人贈恭人東厓公年四十餘未舉子潘恭人嘗夜祈于天得異夢而生公越歲生仲父叅政暘谷公公幼英穎七歲社師試以耦句應多奇十二歲卽善舉子業性醇謹不戒而勤初習毛詩

世廟初東厓公官兵部郎以公如京師師翰林

編修文溪盧公

名准

改習禮記嘉靖甲午潘恭

人卒于京邸公時年十九哀毀病瘳侍東厓

公護恭人櫬歸葬半山廬於墓攻苦脩業丙

申試督學徐文貞公補郡諸生庚子應舉會

省督學蒙溪張公

諱整

合金衢嚴溫處五郡士

試第一遂以禮經薦于鄉上春官罷歸偕仲

公還山中考古綴文生徒講業者群集東厓

時致政家居建宗祠行族約以惇睦範其宗

公因著爲說世傳王氏宗約是也丁未游南

天行狀

二

雍會永康程文恭公爲祭酒泰和歐陽文莊

公爲太常卿公偕仲公從論學爲同游所宗

庚戌成進士

廷試二甲出身明年奉差歸

省東厓公壽近耄公復

命欲上書乞養甫入京而聞計奔歸杜門讀禮

哀慕踰常服闋澹忘仕進棲遲故山凡四年

丙辰始授兵部職方司主事丁巳督

西內

工報竣

賜文綺白金戊午奉差歸展墓適倭寇掠鄉土

義兵失戒族父少卿東華公死國事萬室焚
如衆旁皇靡恃公與仲公聚族謀曰吾宗枕
海而居寇禍且未艾捍禦事難矣不爲計族
將蕩析柰何予兄弟幸有先大夫餘貲在願
捐以治堡以完父兄宗族可乎且鄉井賴焉
百世之利也衆聞而唯唯公進京遂疏于

朝請捐貲爲堡又請遷中界山巡檢司入堡
資防禦事下部議許之仲公輟偕計不行相
畫創植堡甫成而寇至守以無虞已未以職

天行狀

三

方員外郎爲會試同考官所舉禮經士十九
人黃岡雲澤王公名廷瞻餘姚·峰張公名岳順

天岷山李公名江皆爲名卿庚申陞職方協司

郎中奉

敕視師薊鎮陞辭 賜酒饌時邊兵耗缺

朝簡部臣閱視前以荆川唐公徃公繼之昌平
有提督總兵故防邊帥仇鸞跋扈設也歲糜
騶廩不貲公疏論諸材官功罪請革昌平提
督 朝議謂明達邊務

旨下允之提督戎政尚書鳳泉王公題請修京
營志乞 命翰林官纂次大司馬楊襄毅公
才公乃以屬志成恭進名京營紀辛酉進武
選司郎中部籍叢溷武職替襲或因緣出入
公勾故牒稽夙弊修武選條例著爲令每注
選局宿署中集諸寮檢覈功籍聽察精嚴左
右捷柅者無從窺伺襄毅公倚以爲重兩京
五督府所簡勳臣及緹衛列省諸連帥更置
惟公所善否權貴人不敢干以私守司馬署

六 行狀

四

凡七年滿兩考資應補憲副適首相分宜故
同東厓公官禮部以世好託致公公謝不往
分宜以爲望壬戌出爲湖廣布政使司右叅
議過家引疾乞休奉

俞旨不允銓部移書展限咨浙兩臺促赴任癸
亥乃之楚藩公自入官不携家至是以母恭
人往分守荆西奉

勅守護

獻皇帝陵寢荆西轄承天德安兩府承天爲

世廟舊邸鎮守內臣及 皇親侯伯頗專怙德
安則 景恭王新封諸下人掊斂民多苦之
公一繩以法境內故有 郢梁岐諸王園陵
歲時薳修內臣侵冒無筭公廉之痛示裁節
立省數千金應山縣大饑公捐俸及贖鏹百
餘金屬下吏爲粥分餉流民其法以東厓公
施鄉粥事宜行之荆西故有豐樂驛界襄陽
久廢臺院監司過者率舍民房公曰地邇
邸而居停無所褻矣境土事豈必守令爲哉

六行狀

五一

乃出所司輿廩銀佐以罰贖凡三百金而驛
成承天故未有志頃以科臣言脩興都志公
集諸文學編次以上已而思曰是志紀 國

典郡縣事例不得詳宜別作府志因屬同年
長史鹿坡高公名纂脩而節約俸廩爲資費

代

顯陵在鍾祥縣凡楚省官屬卽荆襄遠境悉

脩謁郵傳供億稱困公爲書上撫臺徐公謂
顯陵謁辭當例之中都及兩都 祖陵請酌
道里裁示以節郵傳蓋公志在經世故職非

近民而節用愛民之心知無不盡也甲子分
宜敗任楚未暮用前資陞廣東按察司副使
中途再引疾乞休會兩廣督撫吳公名桂芳疏
請改公學憲奉

旨許調理聽用時公年望艾郡縣大夫奉臺檄
勸駕公曰野性散迹得歸丘園如禽鳥出樊
籠翔寥廓矣當塗推轂之意幸爲辭謝乃却
掃屏居徧治其家祠先隴取東厓公所修族
約率先而敦行之凡有忿爭悉聽于宗祠不

六行狀

六

煩有司設義塾訓群子弟置義田於族之貧
者孤嫠者喪不能舉者以時贍恤之旁及姻
鄰緩急告靡不應無疏戚以爲歸隆慶初撫
臺劉公名織以境內人材薦萬曆甲申御史馬

公名朝陽

疏採遺逸銓部列公名檄按院范公

名鳴謙

查訪郡邑以資望報公聞而笑曰予艾

而歸計今老矣幸與鄉族周旋以無墜先訓
他何望哉初治堡斥橫塘故居於外尋徙郡
之墨池及退居乃作室於堡居諸子以先世

祠墓在弗忍捐也遂載書歸鄉閭徜徉桑梓
集子姪質經論史時共宗老舊故話稼穡晴
雨謝絕干謁歲惟以蜡賓入城府前後臺院
監司罕識其面或就問民所疾苦聞爲陳畫
以聞多所施行鄉邑利其便如修海塘復里
役減漁稅諸議是也蚤歲讀書半山於澗谷
幽勝稍稍闢亭臺諸景比入仕漸就荒落晚
年味事玄修思託棲故山以老命蘊修祖墓
理舊業飭治庭宇增闢洞壑池塘群孫子誦

六行狀

七

習其中而數過視留憩山齋指昔年所嘗釣
游徘徊眺賞多爲詩歌以寫其懷陶然自得
也身奉簡約了如寒素日夕茹蔬不嘗微腥
服取布浣雖縷裂不問庭無珍翫室無媵侍
世所嗜好一無所入於心而惟嗜書僕然一
室聚經史及名家集數千卷諸野史州邑志
無不散列於中自少壯至衰老起居酬應暇
未嘗一日去書繙閱考索不以夜廢會疑難
心得輒劄記證彙簡端赫蹠之錄盈笥累案

考古徵今而尤邃於經術師心會理質疑操
說往往破去傳旨而發乎意見故公之學雖
不以自名而力踐精思率歸於實際山居嘗
輯象山語略明其非禪而以晦翁晚年之論
不相二者合爲一錄謂陽明先生指心之良
知是爲聖而欲學者惺惺不昧以通乎晝夜
而知是直下承當之語而考亭象山往往擁
尊性善及求放心之說蓋性無不善故知無
不良而能不放其心乃能惺惺不昧以通乎

天行狀

八

晝夜其門戶作用稍有不同而其單提直入
未嘗異也頃官部署從泰和廬山胡公名直大

名潞石申公

名鵬

爲會則以平日所心究者相與

名定

歸善海

雲李公

名鵬

爲會則以平日所心究者相與

研析甚替嘗誨蘊曰學要先識本體而以不

欺爲主以倫理爲先以躬行爲實若高談以

資口耳不願爾輩務此名也家居不問生產

不習握筭銖兩之具交際無小大必嚴以義

族弟如壁往爲錦衣千戶蘊於京邸會其寮

萬君有指蘊於萬君曰此西華公之長君也
萬君驚起謝遂起居公蘊不知何以萬君曰
日不佞鶴年襲先秩適尊公持武銓有撼以
飛語者謂且降級不佞無似乃以寶玉介五
百金爲公壽公麾不顧已而襲如故職因以
謝公固麾之不佞心藏莫知所報也及蘊歸
間以告公曰吾忘之矣公凡有施於人不祈
報不市恩不以形之口類若此家席世貲而
斥靡戒侈至義所當施與力所得爲者則策

六行狀

九

便宜躍然身之而無憚費邑儒學門堂傾陋
有司以時詘未舉公因諸生言力任改新不
以絲髮煩于官里居瀕海歲澇塘埭多決水
立澗公督家力募工荷畚填築諸要害所各
爲石閘以時蓄洩而一鄉水利籍以無患鄉
民無告者死苦無葬於郭外廣斥地爲義塚
環以水週植竹葦爲蔽按歲終倩工收積棺
瘞之所居書座右曰拙於用世將以施之家
厚於望人莫若求諸已又曰爲天下惜財不

必藏于己爲天下任事無寧迂其身此其志可槩已生平潛心勵行以古人爲師言動起居繩檢自律善戲之謔佚游之娛未嘗少見所忽隱衷潛行可質鬼神篤念純誠下孚廝役靡纖介矯飾與人無貴賤禮類與敵初卽若泊如久之誠意溢發無私喜無怒無成心有善必揚有冤抑必排解有忤犯與後言者率茹納忘於不校故人得公然諾信如著蔡卽梗集之屬身受懲戒亦曰公愛我誨我

六行狀

十

卒爲之化服性至孝念潘恭人不逮養言及輒嗚咽東厓公以壽終每忌祭及上丘壠悲號同始喪旁觀者灑泣視仲公友愛天篤德業勸勉白首如一日居嘗不忘時事聞賢人進用則喜動眉宇得忠諫章疏必手錄以誦老而不懈登第四十年在官僅八載退而林棲壹意存養鷄鳴起盥櫛出就小齋焚香危坐終日默默也卽之則氣息深深故騰論公者謂含貞率真天然若童孺執謙履約冲然

若韋布清心寡欲枯然若禪僧世所驚宕達
跣跣之習矯激華矜之念逆億擿發之心纖
微無之所稱古篤行君子非歟公鬚眉秀皙
風骨鶴立望之身不勝衣稟質清弱以節養
而神王氣足嘗輟餐累日而論文義竟夕不
休比踰稀齡感脾疾是歲生旦猶衣冠謁祠
集宗人宴坐越旬日而病族弟姪數百人籲
天折年以祈沈默偃卧母安人問胡無言公
曰欲再言者又何以哉隨語蓋兄弟曰人生

六行狀

十一

寄也其冥焉者夢也予幾有涅矣全而歸夫
何憾問以安不不荅惟曰願天生賢者卒之
晨屏侍媪呼諸孫勉扶易衣顧謂家人可具
粥粥已引被就枕鼻齶齶如酣睡就視則目
瞑矣時萬曆十六年戊子三月四日巳時也
嗚呼痛哉嗚呼痛哉距生正德十一年丙子
二月七日未時得年七十三所輯有永嘉縣
志縣故無志創自公博稽而核私梓之歸于
官所著有半山藏稿詩文凡二十卷評者謂

典雅恬淡成一家言書出入大令父子適勁
有法其學雖無不闕而謙已虛受不以示聲
於人也配林氏封恭人恭儉慈惠嫺德偕老
子男三長光蘊舉浙江鄉試次光薦任大官
署署丞光普任良醞署監事孫男十至言至
充邑庠生至齊國子生至章邑庠生至亮國
子生至奇至褒至堯至雍至寧孫女五曾孫
男十一欽典欽昊欽旦欽■欽■欽■欽■
欽履欽■欽鼎欽泰公卒甫浹旬兩庠士上

行狀

十一

其行于督學蘇公祠鄉賢明于己丑十二月
二十四日蘊等卜葬于十一都石壇山之原
從所治生壙也惟是行業節槩深懼湮沒謹
摭拾家聞及所睹記籲慟爲狀痛念先人之
生無一誑語無一飾行不敢浮稱以誑逝者
亦不敢借聲以罔
大賢君子伏惟俯垂采擇錫之一言豈惟歿
而有知藉以不朽而諸孤忍死待命亦且不
朽不肖孤子光蘊泣血百拜謹書

鄉賢呈勘稿

温州府永嘉縣兩儒學廩增附生員季大兆
周子恭谷嘉萼蔣治朱仕陳繼芳等呈爲表
舉鄉賢以勵世風事竊見故廣東按察司副
使王叔果隸籍浙東温州永嘉起家嘉靖庚
戌進士性資端粹詣養淵純官夏省以持衡
典春科而得士歷躋藩臬夙著望于

先朝蚤謝金緋甘投閒於未艾儒言儒行古貌
古心雅志聖修絕聲利紛華之習殫精經術

鄉賢呈

究性命禮樂之原處饒洽而室不蓄姬姜身
不施羅綺砥名行而信可著金石誠可質鬼
神溫乎其卽之可親恢乎其犯而不校念先
文教捐貲改初學宮跡削公庭見者惟賓鄉
飲置義田以贍宗黨立義塾以訓鄉閭若棺
槨塚土之施及衢塘堰閘之飭推羸而拯急
者數十餘載被德而飲惠者幾千百人名實
協於鄉評訪求勤於

詔旨所著有邑志有宗約言論本於經常私藏

有劄記有家集意見發乎自得總之宅心制
行光明正大而屋漏不欺要夫操履踐修質
直謙恭而邦家必達誠哉大圭無事於追琢
允矣美玉不可以瑕疵矧輿論定於蓋棺而
令名徵於沒世伏思鄉賢之舉申於

朝例爲嚴歷考前聞頗沿舊習或俟夫歲年之
滋遠或出於子孫之請求惟本官懿行清修
孚於生平者無間言而明德休光得於覲記
者有餘慕傳芳著作已卓稱

鄉賢呈

二

聖世之儒臣進列宮墻端不愧允師之高第瞻
依旣久乃一旦失我儀刑痛悼徒深將百年
從何景仰善難詳述狀可槩聞伏乞念鄉邦
殲此大賢更祈爲學校垂一令範豈惟增光
於俎豆抑且激勸夫世風爲此具呈上請蓋
士論所不敢阿亦義舉所不容緩也仰求俯
賜施行實爲不朽盛典

温州府永嘉縣兩儒學廩增附生員葉諍丁
子直徐君重林宗楚劉子化孫賚臣等會同

遵依查勘得故廣東按察司副使王叔果由嘉靖二十九年進士歷任兵部武選司郎中三十九年爲會試同考試官四十一年陞湖廣布政司右叅議中途以患病乞休蒙吏部覆咨都察院轉行湖廣浙江撫按衙門促限赴任四十三年陞廣東按察司副使未任中途再以患病乞休蒙吏部覆稱本官中外敷歷清望久著乃欲告乞休致遠難准理咨都察院轉行原籍撫按衙門仍行照會本官一

鄉賢呈

三

面調理聽用施行隆慶元年巡撫浙江都察院右副都御史劉薦舉境內人材內稱王叔果資望相應起用萬曆十三年巡按浙江監察御史范奉都察院八千三百十五號勘劄查訪薦舉起用官員內開副使王叔果行本府縣備訪回覆候用本年病故痛悼切於士林儀刑仰於身後覈稽輿論表舉鄉賢切見本官學紹家聞行追古道春闈校士文推禮樂之宗夏省司銓武輯京營之紀聲望

方揚於藩臬休閒屢乞於盛年謝跡公門舉
縉紳罕識其面敦行宗法雖頑戾亦化其誠
謙恭無間於賤微澹泊不殊於寒素生平絕
姬妾紈綺之奉終身惟圖書經史之親著作
成家疑難多所闡發躬行寔踐充養出於自
然清忠不愧於科名正直素孚於善類服官
僅歷數任而養恬鎮雅前後訪求者猶重巖
廊退處幾三十年而振乏恤窮賴以舉火者
不止家族輯邑志勒一方之典論議無忝於

大鄉賢呈

四

立言新縣學捐數百之金絲采不煩乎公費
卽其純心懿行無纖細之可疵槩夫大節高
風真始終之不貳允矣先進可稱聖徒諍等
敬慕切於身歿之初呈舉請從賢祠之列在
士心有所感激彼後人無所請求公論不阿
世風攸賴允宜俯從崇祀以慰一方矜式以
示百世表章者也

永嘉縣知縣蔣 勘得已故鄉宦王叔果純
資天稟邃養日深躬行勵乎聖修著作本於

經術清心寡欲不染一塵博古通今靡遺寸
善舉貴賤賢愚之屬仰冲夷朴茂之風謙謙
而身不勝衣疊疊而行不愧獨應詔薦舉凡
三五疏退居談道踰二十年使其得聖人爲
依歸庶幾顏閔之列乃竟抗明時之高蹈足
稱懷葛之遺雅望清修始終一節徽音善行
細大無疵性雖約於奉身莖則先於崇義邦
家孚信名寔昭符允矣士論所歸卓然鄉評
可考所當申議從祀以崇名教以表斯文者
也

天鄉賢呈

五

温州府知府衛 勘得已故鄉宦王叔果性
資高卓志節雅恬歷官部省壯而能潔其身
退處林泉居而好行其德揆之平生善行嘉
言多可稱述稽之沒齒鄉評士論允協輿情
實昭代之名儒聖門之遺哲也理合申詳
奉

提學僉事蘇 批鄉賢重典宜加詳慎仰府
再核實具報

温州府永嘉縣兩儒學廩增附生員陳時秀
吳光翰葉九思黃寵孔大成鄭元中等遵依
核覈已故鄉宦副使王叔果除宦跡行實具
前各覆勘結外勘得本宦官箴懋服人望夙
歸雅篤志於聖修蚤潔身於仕路忠誠端朴
言行真匹古人簡靜冲夷風猷迥出流俗林
居三十載而足不入城濤修之節重於縉紳
歷年七十餘而手不釋卷博洽之學徵於著
述故稽其行履自家食入仕以迨歸老之日

六鄉賢呈

六

無闕失間其平生及質之鄉評自韋布儒流
以至田里之夫無非議齒於聲角文章德業
盛美可傳節槩風聲流芳不泯若好義樂施
之舉乃爲善陰騰之餘行事固爲可稽更僕
難於枚舉矧沒世之論既定而善類之慕逾
深允宜俯從崇祀以光賢祠者也

永嘉縣知縣蔣 覆勘本官大德細行無纖
忽之可疵出處後先真始終之不貳微模懿
範沒世愈徵全節完名百年殊絕允矣聖門

之遺哲卓然士類之儀刑公聽博稽輿情已
協美傳賢訟衆口一詞前舉別無敢阿詳核
更爲可據所當亟崇賢祀以勸世風者也理
合申覆伏乞轉詳

温州府知府陳 覈勘本官夙崇正學力追
古人德讓承家芳軌真同萬石清修範俗令
儀無忝彥方揆其實行種種足稱質之鄉評
歷歷可據旣經兩學公舉

祀賢祠以植風教者也理合詳 奉

六鄉賢呈

七

提學副使李 批據呈王公懿行良足嘉尚
但崇祀重典不厭祥慎仰 覆覈確報

温州府永嘉縣兩儒學廩增附生員陳君御
林信之陳有孚蔣治朱仕王鳳毛等呈爲催
舉鄉賢以彰先哲以振世風以明公道事公
論出於學校誰敢阿私天理炳於人心終難
泯滅已故鄉宦副使王叔果實德孚于甌東
賢聲著於海內屢經勘允積案可稽茲者伏
誦學政內一欵首開鄉賢必係年久論定輿

情允孚方許諸生呈舉以憑該府轉詳御等
名廁章逢生同桑梓習見本宦懿行垂範幾
三四十年申請從祀廟庭勘覆同百千萬口
身歿已經八載鄉祠未列群賢議滯歲時望
懸旦夕幸際鈞衡之在上正當公道之大明
輒敢催呈乞賜詳查原呈實跡并前道勘允
文案俯從輿論卽與舉行庶先哲因之遂彰
後生因之益勵上維一鄉 風化下樹六學
之表儀此學政詳覈所宜先而諸生觀法所
攸繫也

鄉賢呈

八

永嘉縣知縣郝 覆勘得 宦寔行素孚輿

情允協學不倦於好古節著清修年未艾而
乞休名高勇退舉紛華聲利一無所入於心
卽議論躬行少不詭隨於習居然大雅卓爾
高風屢覆屢查已踰八載博稽博訪僉同一
詞旣合年久論定之條宜亟歲時崇祀之舉
理合申詳

温州府知府湯 詳訪覆勘得本宦文章氣

節卓爾不羣宦業鄉評歸然並茂况定論已
徵蓋棺之久而名賢應與列俎之榮屢勘旣
明追崇無忝理合申請乞賜施行 奉
提學副使蕭 批本宦賢行屢經先後覆勘
該府聞見旣確必無溢美允宜崇祀仰行縣
置木主迎入鄉賢祠繳

10744

天
鄉賢呈

九

鄉賢呈勘稿

